

5237.08/8664 a (2)

十八家詩鈔
二

十八家詩鈔卷三目錄

鮑明遠五古一百三十一首

採桑

代蒿里行

代挽歌

代東門行

代放歌行

代陳思王京洛篇二首

代門有車馬客行

代權歌行

代白頭吟

代東武吟

代別鶴操

代出自薊北門行

代陸平原君子有所思行

代悲哉行

代陳思王白馬篇

代昇天行

松柏篇

代苦熱行

代朗月行

代堂上歌行

代結客少年場行

扶風歌

代少年時至衰老行

代陽春登荆山行

代貧賤苦愁行

代邊居行

代邽街行

蕭史曲

侍宴覆舟山二首

從拜陵登京峴

蒜山被始興王命作

登廬山

從廬山望石門

從登香爐峯

從庾中郎遊園山石室

登翻車峴

登黃鶴磯

登雲陽九里埭

自礪山東望震澤

三日遊南苑

贈故人馬子喬六首

答客

和王丞

日落望江贈荀丞

秋日示休上人

答休上人

吳興黃浦亭庾中郎作

與伍侍郎別

送別王宣城

送從弟道秀別

贈傅都曹別

和傅大農與僚故別

送盛侍郎餞候亭

與荀中書別

從過舊宮

從臨海王上荆初發新渚

還都道中三首

上潯陽還都道中

還都至三山望石頭城

還都口號

行京口至竹里

發後渚

岐陽守風

發長松遇雪

詠史

蜀四賢詠

擬古八首

紹古辭七首

學古

擬青青陵上柏

擬阮公夜中不能寐

白雲

行樂至城東橋

觀圃人藝植

見賣玉器者

夢歸鄉

歲暮悲

夜聽妓

喜雨

詠白雪

古辭

學劉公幹體五首

學陶彭澤體

臨川王服竟還田里

園中秋散

遇銅山掘黃精

懷遠人

春羈

在江陵歎年傷老

翫月城西門廨中

苦雨

三日

詠秋

秋夜二首

和王義興七夕

冬日

望孤石

詠雙燕二首

謝元暉五古一百十八首

隋王鼓吹曲十首

蒲生行

鼓吹曲二首同沈右率諸公賦

曲池水

遊山

秋夕

和王護軍秋夕

冬至

望水

山行見孤桐

江上曲

詠邯鄲才人嫁為厮養卒婦

秋竹曲

銅爵臺同謝諮議賦

遊敬亭山

遊敬亭山

將遊湘水尋句溪

遊東田

答王世子

答張齊興

暫使下都夜發新林至京邑贈西府同僚

酬晉安王德元

郡內高齋閒望答呂法曹

在郡臥病呈沈尚書

別王丞僧孺

同羈夜集

新亭渚別范零陵雲

忝役湘州與宣城吏民別

懷故人

始之宣城郡

之宣城郡出新林浦向板橋

休沐重還丹陽道中

京路夜發

晚登三山還望京邑

始出尚書省

直中書省

觀朝雨

宣城郡內登望

冬日晚郡事隙

高齋視事

冬緒羈懷示蕭諮議虞田曹劉江二常

侍

落日悵望

賽敬亭山廟喜雨

賦貧民田

移病還遠園示親屬

治宅

秋夜講解

春思

秋夜

和何議曹郊遊二首

和劉西曹望海臺

和宋記室省中

和王著作融八公山

和伏武昌登孫權故城

夏始和劉孱陵

新治北窗和何從事

和王主簿季哲怨情

和徐都曹出新亭渚

和劉中書

贈王主簿二首

和蕭中庶直石頭

奉和竟陵王同沈右率過劉先生墓

和王長史臥病

和江丞孝嗣北戍琅邪城

和沈祭酒行園

奉和隋王殿下十六首

和紀參軍服散得益

和王中丞聞琴

將發石頭上烽火樓

望三湖

送江水曹還遠館

送江兵曹檀主簿朱孝廉還上國

臨溪送別

後齋迴望

與江水曹至干濱戲

答沈右率諸君餞別

離夜同江丞王常侍作

祀敬亭山廟

出下館

落日同何儀曹煦

夜聽妓二首

詠薔薇

詠蒲

詠兔絲

遊東堂詠桐

雜詠三首

同詠樂器得琴

同詠坐上玩器得烏皮隱几

同詠坐上所見一物得席

詠竹火籠

詠風

詠竹

詠落梅

詠牆北梔子

十八家詩鈔卷三目錄

十八家詩鈔卷三

湘鄉曾國藩纂

合肥李鴻章審訂

東湖王定安校

鮑明遠五古一百三十一首

採桑

陌上桑本秦羅敷拒絕挑者之辭樂府解題謂採桑亦出於陌上桑國藩按陌上桑謂夫不在而拒人此則似與夫同處者

季春梅始落工女事蠶作採桑淇洧閒還戲上宮閣早蒲時結陰晚篁初解籜藹

藹霧滿閨融融景盈幕乳燕逐草蟲巢蜂拾花萼是節最暄妍佳服又新爍綿玉臺

作歎對迴塗揚歌弄場蠶抽琴試抒思薦珮果成託承君郢中美服義久心諾衛

風古愉豔鄭俗舊浮薄靈願悲渡湘宓賦笑灑洛盛明難重來淵意為誰涸君其

且調絃桂酒妾行酌

代蒿里行

同盡無貴賤殊願有窮伸馳波催永夜零露逼短晨一作我幽山駕去此滿堂

親虛容遺劍佩實貌戢衣巾斗酒安可酌尺書誰復陳年代稍推遠懷抱日幽淪

人生良自劇。天道與何人。齋我長恨意。歸為狐兔塵。

代挽歌

獨處重冥下。憶昔登高臺。傲岸平生中。不為物所裁。挺門只復閉。白蟻相將來。生時芳蘭體。小蟲今為災。玄鬢無復根。枯體依青苔。憶昔好飲酒。素盤進青梅。彭韓及廉藺。疇昔已成灰。壯士皆死盡。餘人安在哉。

代東門行

樂府解題曰古辭出東門言士有貧不安其居者拔劍欲去妻子牽衣留之願共餽糜不求富貴若鮑照之詩則但傷離別而已

傷禽惡。弦驚倦客。惡離聲。離聲斷。客情賓御。皆涕零。涕零心斷絕。將去復還訣。一息不相知。何況異鄉別。遙遙征駕遠。杳杳白日晚。居人掩閨臥。行子夜中飯。野風吹草木。行子心腸斷。食梅常苦酸。衣葛常苦寒。絲竹徒滿座。憂人不解顏。長歌欲自慰。彌起長恨端。

代放歌行

放歌行一曰孤兒行一曰孤子生行言孤兒為兄嫂所苦難與久居也鮑照此詩則言榮利之場不宜輕入也

蓼蟲避葵藿。習苦不言非。小人自齷齪。安知曠士懷。雞鳴洛城裏。禁門平日開。冠

蓋縱橫至。車騎四方來。素帶曳長飈。華纓結遠埃。日中安能止。鐘鳴猶未歸。夷世不可逢。賢君信愛才。明慮自天斷。不受外嫌猜。一言分珪爵。片善辭草萊。豈伊白璧賜。將起黃金臺。今君有何疾。臨路獨遲迴。

鳴八句極言榮利之場衆所共趨夷世十句蓋反言以見意向使君非愛才嫌猜不斷則不能不臨路遲迴矣

代陳思王京洛篇二首

玉臺作煌煌京洛行

鳳樓十二重。四戶八綺窗。繡桷金蓮花。柱玉盤龍珠。簾無隔露羅。幌不勝風寶帳。三千所為爾。一朝容揚芬。紫煙上垂綵。綠雲中春吹。迴白日。霜高落塞鴻。但懼秋塵起。盛愛逐衰蓬。坐視青苔滿。臥對錦筵空。琴瑟縱橫散。舞衣不復縫。古來共歇薄。君意豈獨濃。惟見雙黃鵠。千里一相從。

氣勢○春吹四句言時移事異盛極必衰

南遊偃師縣。斜上霸陵東。迴瞻龍首堞。遙望德陽宮。重門遠照耀。天閣復穹隆。城傍疑複道。樹裏識松風。黃河入洛水。丹泉繞射熊。夜輪懸素魄。朝天蕩碧空。秋霜曉驅雁。春雨暗成虹。曲陽造甲第。高安還禁中。劉蒼歸作相。竇憲出臨戎。此時車

馬合茲晨冠蓋通誰知兩京盛歡宴遂無窮

代門有車馬客行

門有車馬客皆言問訊其客備敘市朝遷變親友彫落之意也鮑詩則並敘此客旋又別去

門有車馬客問客何鄉士捷步往相訊果得舊鄰里悽悽聲中情慊慊增下俚語昔有故悲論今無新喜清晨相訪慰日暮不能已歡戚競尋緒談調何終止辭端竟未究忽唱分途始前悲尙未弭後感方復起嘶聲盈我口談言在君耳手迹可傳心願爾篤行李篤行李猶云珍重道途

代權歌行

羈客離嬰時飄飄無定所昔秋寓江界茲春客河濟往戢于役身願言永懷楚冷泠儵疏潭邕邕雁循渚颺戾長風振搖曳高帆舉驚波無留連舟人不躊躇

代白頭吟

樂府解題曰鮑照張正見虞世南白頭吟皆自傷清直芬馥而遭鑠金玷玉之謗君恩以薄

直如朱絲繩清如玉壺冰何慚宿昔意猜恨坐相仍人情賤恩舊世議逐衰興毫髮一為瑕邱山不可勝食苗實碩鼠點白信蒼蠅鳧鵠遠成美薪芻前見陵韓詩外傳

田饒謂魯哀公曰雖有五德君食之者以其所從來近也黃鵠一舉千里君貴之者以其所從來遠也史記汲黯謂武帝曰陛下用羣臣如積薪後來者居上申

黜褒女進班去趙姬升周王日淪惑漢帝益嗟稱心賞猶難恃貌恭豈易憑古來共如此非君獨撫膺勢氣

代東武吟

東武吟傷時移事異榮華徂謝也此專言苦戰老將傷時事之移易

主人且勿誼賤子歌一言僕本寒鄉士出身蒙漢恩始隨張校尉張憲占一作召募

到河源後逐李輕車李蔡追虜窮塞垣密塗亘萬里寧歲猶七奔密近也近塗猶萬里則遠者可

知甯歲猶七奔則多事時可知肌力盡鞍甲心思歷涼温將軍既下世部曲亦罕存時事一朝異

孤績誰復論少壯辭家去窮老還入門腰鎌刈葵藿倚杖牧雞豚昔如韝上鷹今

似檻中猿徒結千載恨空負百年怨棄席思君幄疲馬戀君軒願垂晉主惠不愧

田子魂氣勢止韓詩外傳田子方出見老馬於道曰少盡其力老棄其身仁者不為也乃

東昂而贖之

代別鶴操

古今注曰別鶴操商陵牧子所作也娶妻五年無子父兄將為之改娶其婦中夜起倚戶而悲嘯牧子援琴作歌

雙鶴俱起時徘徊滄海閒長弄若天漢輕軀似雲懸幽客時結侶提攜遊三山青
繳凌瑤臺丹羅籠紫煙海上悲風急三山多雲霧散亂一相失驚孤不得住緬然
日月馳遠矣絕音儀有願而不遂無怨以生離鹿鳴在深草蟬鳴隱高枝心自有
所存一作旁人那得知

代出自薊北門行

出自薊北門行大致與從軍行同而兼言燕薊風物此則並及忠節矣

羽檄起邊亭烽火入咸陽徵騎屯廣武分兵救朔方嚴秋筋竿勁虜陣精且疆天
子按劍怒使者遙相望雁行緣石徑魚貫度飛梁簫鼓流漢颺旌甲被胡霜疾風
衝塞起沙礫自飄揚馬毛縮如蝟角弓不可張時危見臣節世亂識忠良投軀報
明主身死為國殤勢氣

代陸平原君子有所思行

樂府解題曰君子有所思行陸機鮑照沈約之辭皆言影室麗色不足為久懼宴安耽毒滿盈所宜

思敬

西上登雀臺東下望雲闕層閣肅天居馳道直如髮繡裳結飛霞璇題納行月築

山擬蓬壺穿池類溟渤選色遍齊岱徵聲匝邛越陳鐘陪夕讌笙歌待明發年貌
不可還身意會盈歎蟻壤漏山阿善作絲淚毀金骨器惡含滿歆物忌厚生沒智
哉衆多士服理辨昭晰

代悲哉行

羈人感淑節緣感欲回轍我行詎幾時華實驟舒結觀實情有悲瞻華意無悅覽
物懷同志如何復乖別翩翩翔禽羅關關鳴鳥列翔鳴尚儔偶所歎獨乖絕

代陳思王白馬篇

白馬駢角弓鳴鞭乘北風要途問邊急雜虜入雲中閉壁自往夏清野徑還冬僑
裝多闕絕旅服少裁縫埋身守漢境一作沈命對胡封埋身沈命皆堅薄暮塞雲
起飛沙被遠松含悲望兩都楚歌登四墉丈夫設計誤懷恨逐邊戎棄一作別中
國愛邀冀胡馬功去來今何道卑賤生所鍾但令塞上兒知我獨為雄

代昇天行

昇天行本求仙之意而此詩窮途三句似亦譏學仙者

家世宅關輔勝帶宦王城備聞十帝事委曲兩都情倦見物興衰驟觀俗屯平翻
翻若回掌恍惚似朝榮窮途悔短計晚志重一作愛長生從師入遠嶽結友事仙靈

五圖一作芝發金記九籥隱丹經道書有五岳真形圖金記謂金丹書也風餐委松

宿雲臥恣天行冠霞登綵閣解玉飲椒庭暫遊越萬里少一作近別數千齡鳳臺無

還駕簫管有遺聲列仙傳蕭史者善吹簫秦穆公以女弄玉妻之為作鳳臺夫婦止其上一日隨鳳飛去何當與汝曹啄腐

共吞腥

松柏篇 並序

余患脚上氣四十餘日知舊先借傅玄集以余病劇遂見還開帙適見樂

府詩龜鶴篇於危病中見長逝詞惻然酸懷抱如此重病彌時不差呼吸

乏喘舉目悲矣火藥閒闕而擬之

松柏受命獨歷代長不衰人生浮且脆歎若晨風悲東海迸逝川西山導落暉南

廓一作郊悅籍短蒿里收永歸諒無疇昔時百病起盡期志士惜牛刀忍勉自療治

傾家行藥事顛沛去迎醫徒備火石苦奄至不得辭龜齡安可獲岱宗限已迫睿

聖不得留為善何所益捨此赤縣居就彼黃墟宅永離九原親長與三辰隔屬續

生望盡闔棺世業埋事痛存人心恨結亡者懷祖葬既云及壙隧亦已開室族內

外哭親疏同共哀外姻遠近至名列通夜臺扶輿出殯宮低徊戀庭室天地有盡

期我去無還日居者今已盡人事從此畢火歇煙既沒形銷聲亦滅鬼神來依我

生人永辭訣大暮杳悠悠長夜無時節鬱湮重冥下煩冤難具說安寢委沈寔戀

戀念平生事業有餘結刊述未及成資儲無擔石兒女皆孩嬰一朝放捨去萬恨

纏我情追憶世上事束教已自拘明發靡怡愈夕歸多憂虞轍間晨逕荒輟宴式

酒濡知今瞑目苦恨失爾時娛遙遙遠民居獨埋深壤中墓前人跡滅冢上草日

豐空林響鳴蜩高松結悲風長寐無覺期誰知逝者窮生存處交廣連榻舒華茵

已沒一何苦楛哉不容身昔日平居時晨夕對六親今日奄奈何一見無諧因禮

席有降殺三齡速過隙几筵就收撤室宇改疇昔行女遊歸途行女已嫁之仕子復王

役家世本平常獨有亡者劇時祀望歸來四節靜坐邱孝子撫墳號父兮知來不
欲還心依戀欲見絕無由煩冤荒隴側肝心盡崩抽

代苦熱行

赤阪橫西阻火山赫南威身熱頭且痛鳥墜魂來歸湯泉發雲潭焦煩起石圻日
月有恆昏雨露未嘗晞丹蛇踰百尺玄蜂盈十圍含沙射流影吹蠱病行暉瘴氣
晝薰體茵露夜霑衣商草名有毒其上飢猿莫下食晨禽不敢飛毒涇尚多死度
瀘寧具腓生軀蹈死地昌志登禍機戈船榮既薄伏波賞亦微爵輕君尚惜士重
安可希緯詩外傳宋燕相齊罷召客與赴諸侯皆伏不對田饒曰君能用所輕欲使

士用重乎○前言苦熱瘴毒
未言從軍死地勞多而賞薄

代朗月行

朗月出東山照我綺窗前窗中多佳人被服妖且妍靚妝坐帷裏當戶弄清絃鬢
奪衛女迅體絕飛燕先爲君歌一曲當作朗月篇酒至顏自解聲和心亦宣千金

何足重所存意氣閒

代堂上歌行

四坐且莫誼聽我堂上歌昔仕京洛時高門臨長河出入重宮裏結友曹與何車
馬相馳逐賓朋好容華陽春孟春月朝光散流霞輕步逐芳風言笑弄丹葩暉暉
朱顏酩紛紛織女梭滿堂皆美人目成對湘娥雖謝侍君閑明妝帶綺羅箏笛更
彈吹高唱好相和萬曲不關心一曲動情多欲知情厚薄更聽此聲過

代結客少年場行

結客少年場本言輕生重義慷慨以
立功名者此則兼言晚節坎壈之狀

驄馬金絡頭錦帶佩吳鉤失意杯酒閒白刃起相讎追兵一旦至負劍遠行遊去
鄉三十載復得還舊邱升高臨四關表裏望皇州九衢平若水雙闕似雲浮扶宮
羅將相夾道列王侯日中市朝滿車馬若川流擊鍾陳鼎食方駕自相求今我獨
何爲埽壤懷百憂氣勢

扶風歌

昨辭金華殿。今次鴈門縣。寢臥握秦戈。棲息抱越箭。忍悲別親知。行泣隨征傳。寒烟空徘徊。朝日乍舒卷。

代少年時至衰老行

憶昔少年時。馳逐好名晨。結友多貴門。出入富兒鄰。綺羅豔華風。車馬自揚塵。歌唱青齊女。彈箏燕趙人。好酒多芳氣。餽味厭時新。今日每相念。此事邈無因。寄語後生子。作樂當及春。

代陽春登荆山行

且登荆山頭。崎嶇道難遊。早行犯霜露。苔滑不可留。極眺入雲表。窮日盡帝州。方都列萬室。層城帶高樓。奕奕朱軒馳。紛紛縞衣流。日氛映山浦。暄霧逐風收。花木亂平原。桑柘綿平疇。攀條弄紫莖。藉露折芳柔。遇物雖成趣。念者不解憂。且共傾春酒。長歌登山邱。

代貧賤苦愁行

湮沒雖死悲。貧苦即生劇。長歎至天曉。愁苦窮日夕。盛顏當少歇。鬢髮先老白。親友四面絕。朋知斷三益。空庭慚樹萱。藥餌愧過客。貧年忘日時。黯顏就人惜。俄頃不相酬。慙怩面已赤。或以一金恨。便成百年隙。心為千條計。事未見一獲。運圯津塗塞。遂轉死溝洫。以此窮百年。不如還窳窳。

代邊居行

少年遠京陽。遙遙萬里行。陋巷絕人徑。茅屋摧山岡。不覩車馬迹。但見麋鹿場。長松何落落。邱隴無復行。邊地無高木。蕭蕭多白楊。盛年日月盡。一去萬恨長。悠悠世中人。爭此錐刀忙。不憶貧賤時。富貴輒相忘。紛紛徒滿目。何關慨予傷。不如一畝中。高會挹清漿。遇樂便作樂。莫使候朝光。

代邽街行 一作去邪行

佇立出門衢。遙望轉蓬飛。蓬去舊根在。連翩逝不歸。念我捨鄉俗。親好久乖違。慷慨懷長想。惆悵戀音徽。人生隨事變。遷化焉可祈。百年難必果。千慮易盈虧。

蕭史曲

蕭史愛長年。羸女惜童顏。火粒願排棄。霞霧好登攀。龍飛逸天路。鳳起入秦關。身去長不返。簫聲時往還。

侍宴覆舟山二首

息雨清上郊。開雲照中縣。遊軒越丹居。暉燭集涼殿。凌高躋飛楹。追焱起流宴。柘苑含靈羣。巖庭藏物變。明輝燦神都。麗氣冠華甸。日遠幽情周。醴洽深恩遍。

繁霜飛玉闥。愛景麗皇州。清蹕戒馳路。羽蓋佇宣游。神居既崇盛。崑嶮信環周。禮俗陶德聲。昌會溢民謳。慚無勝化質。謬從雲雨游。

從拜陵登京峴

孟冬十月交。殺盛陰欲終。風烈無勁草。寒甚有凋松。軍井冰晝結。士馬氈夜重。晨登峴山首。霜雪凝未通。息鞍循隴上。支劍望雲峯。表裏觀地險。昇降究天容。東嶽覆如礪。瀛海安足窮。傷哉良永矣。馳光不再中。衰賤謝遠願。疲老還舊邦。深德竟

何報徒令田陌空

蒜山披始興王命作

暮冬霜朔嚴。地閉泉不流。玄武藏木陰。丹鳥還養羞。勞農澤既周。役車時亦休。高薄符好蒨。藻駕及時遊。鹿苑豈淹睇。兔園不足留。升嶠眺日軌。臨迴望滄洲。雲生玉堂裏。風靡銀臺陬。陂石類星懸。嶼木似煙浮。形勝信天府。珍寶麗皇州。白日迴清景。芳豔洽歡柔。參差出寒吹。飈戾江上謳。王德愛文雅。飛窮灑鳴球。美哉物會昌。衣道服光猷。

登廬山

懸裝亂水區。薄旅次山楹。千巖盛阻積。萬壑勢迴縈。龍從高昔貌。紛亂襲前名。洞澗窺地脈。聳樹隱天經。松磴上迷密。雲竇下縱橫。陰冰實夏結。炎樹信冬榮。嘈噴晨鷗思。叫嘯夜猿清。深崖伏化迹。窮岫闕長靈。乘此樂山性。重以遠遊情。方躋羽人途。永與煙霧并。

登廬山望石門

訪世失隱淪。從山異靈士。明發振雲冠。升嶠遠棲趾。高岑隔半天。長崖斷千里。氛霧承星辰。潭壑洞江沱。嶄絕類虎牙。巒岈象熊耳。埋冰或百年。韜樹必千祀。雞鳴清澗中。猿嘯白雲裏。瑤波逐穴開。霞石觸峯起。迴互非一形。參差悉相似。傾聽鳳管賓。緬望釣龍子。松桂盈膝前。如何穢城市。

從登香爐峯

辭宗盛荆夢。登歌美鳧繹。徒收杞梓饒。曾非羽人宅。羅景藹雲扃。沾光扈龍策。御風親列涂。乘山窮禹跡。含嘯對霧岑。延蘿倚峯壁。青冥搖煙樹。穹跨負天石。霜崖滅土膏。金澗測泉脈。旋淵抱星漢。乳竇通海碧。谷館駕鴻人。巖棲咀丹客。殊物藏珍怪。奇心隱仙籍。高世伏音華。綿古遁精魄。蕭瑟生哀聽。參差遠驚覲。慚無獻賦才。洗汗奉毫帛。

從庾中郎遊園山石室

荒塗趣山楹。雲崖隱靈室。岡澗紛縈抱。林障沓重密。昏昏磴路深。活活梁水疾。幽隅秉晝燭。地牖窺朝日。怪石似龍章。瑕璧麗錦質。洞庭安可窮。漏井終不溢。沈空絕景聲。崩危坐驚慄。神化豈有方。妙象竟無述。至哉鍊玉人。處此長自畢。

登翻車峴

高山絕雲霓。深谷斷無光。晝夜淪霧雨。冬夏結寒霜。淖坂旣馬領。磧路又羊腸。畏塗疑旅人。忌轍覆行箱。升岑望原陸。四眺極川梁。遊子思故居。離客遲新鄉。新知有客慰。追故遊子傷。

登黃鶴磯

木落江渡寒。雁還風送秋。臨流斷商絃。瞰川悲棹謳。適郢無東轅。還藝文作過夏有西浮。三崖隱丹磴。九派引滄流。淚行感湘別。弄珠懷漢遊。豈伊藥餌泰。得奪旅人憂。

登雲陽九里埭

宿心不復歸。流年抱衰疾。旣成雲雨人。悲緒終不一。徒憶江南聲。空錄齊后瑟。方

絕縈絃思豈見繞梁日

自礪山東望震澤

瀾漫潭洞波合沓崿嶂雲漲島遠不測岡澗近難分幽篁愁暮見思鳥傷夕聞以此藉沈疴棲迹別人羣結言非盡書有念豈敷文

三日遊南苑

採蘋及華月追節逐芳雲騰菑溢林疏麗日曄山文清潭圓翠會花薄綠綺紋合樽遽景斜折榮吝組芬

贈故人馬子喬六首

躑躅城上羊攀隅食玄草俱共日月輝昏明獨何早夕風飄野籜飛塵被長道親愛難重陳懷憂坐空老

寒灰滅更然夕華晨更鮮春冰雖暫解冬水復還堅佳人捨我去賞愛長絕緣歡至不留日感物輒傷年

松生隴坂上百尺下無枝東南望河尾西北隱崑崖野風振山籟羽鳥夜驚離悲涼貫年節蔥翠恆若斯安得草木心不怨寒暑移

種橘南池上種杏北池中池北既少露池南又多風早寒逼晚歲衰恨滿秋容湘濱有靈鳥其字曰鳴鴻一挹繒繳痛長別遠無雙

皎如川上鵠赫似握中丹宿心誰不欺明白古所難憑楹觀皓月灑酒盪憂顏永念平生意窮光不忍還淹留徒攀桂延佇空結蘭

雙劍將離別先在匣中鳴煙雨交將夕從此遂分形雖沈吳江裏玉臺作水雄飛入楚城吳江深無底楚關有崇扃一爲天地別豈直限幽明神物終不隔千祀儻還并

答客

幽居屬有念合意未連詞會客從外來問君何所思澄神自惆悵嘿慮久迴疑謂賓少安席方爲子陳之我以華門士負學謝前基愛賞好徧越放縱少矜持專求遂性樂不計緝名期歡至獨斟酒憂來輒賦詩聲交稍希歇此意更堅滋浮生急

馳電物道險絃絲深憂寡情謬進伏兩睽時願賜卜身要得免後賢嗤對客自陳素抱而終

問之亦屈原卜居之旨

和王丞

限生歸有窮長意一作憶無已年秋心日迴絕春思坐連綿銜協曠古願斟酌高代賢遜迹俱浮海探藥共還山夜聽橫石波朝望宿巖煙明澗子沿越飛蘿予縈牽性好必齊遜迹幽非妄傳滅志身世表藏名琴酒閒

日落望江贈荀丞

旅人乏愉樂薄暮增思深日落嶺雲歸延頸望江陰亂流瀦大壑長霧匝高林林際無窮極雲邊不可尋惟見獨飛鳥千里一揚音推其感物情則知遊子心君居帝京內高會日揮金豈念慕羣客咨嗟戀景沈情韻

秋日示休上人

枯桑葉易零疲客心易驚今茲亦何早已聞絡緯鳴迴風滅且起卷蓬息復征愴愴簞上寒悽悽帳裏清物色延暮思霜露逼朝榮臨堂觀秋草東西望楚城百物方蕭瑟坐歎從此生

答休上人

酒出野田稻菊生高岡草味貌復何奇能令君傾倒玉碗徒自羞為君慨此秋金蓋覆牙杵何為心獨愁

吳興黃浦亭庾中郎別

風起洲渚寒雲上日無輝連山眇煙霧長波迴難依旅雁方南過浮客未西歸已經江海別復與親眷違奔景易有窮離袖安可揮懽觴為悲酌歌服成泣衣温念終不渝藻志遠存追役人多牽滯顧路慚奮飛味心附遠翰炯言藏佩韋

與伍侍郎別

民生如野鹿知愛不知命飲斃具攢聚翹陸歛驚迸傷我慕類心感爾食苹性漫漫鄙郢途渺渺淮海逕子無金石質吾有犬馬病憂樂安可言離會孰能定欽哉

慎所宜砥德乃為盛貧游不可忘久交念敦敬

送別王宣城

發郢流楚思涉淇興衛情既逢青春獻復值白蘋生廣望周千里江郊藹微明舉爵自惆悵歌管為誰清潁陰騰前藻淮陽流昔聲樹道慕高華屬路佇深馨

送從弟道秀別

參差生密念躑躅行思悲悲思戀光景密念盈一作彌歲時歲時多阻折光景乏安怡以此苦風情日夜驚懸旗登山臨朝日揚袂別所思浸淫旦潮廣瀾漫宿雲滋天陰懼先發路遠常早辭篇詩後相憶杯酒今無持游子苦行役冀會非遠期

贈傅都曹別

輕鴻戲江潭孤雁集洲汜邂逅兩相親緣念共無已風雨好東西一隔頓萬里追憶棲宿時聲容滿心耳落日川渚寒愁雲繞天起短翮不能翔徘徊煙霧裏

和傅大農與僚故別

絕節無緩響傷雁有哀音非同年歲意誰共一作異別離心伊昔謬通塗一作雁預人林浮江望南嶽登潮窺海陰孰謂游居淺慕美久相深萋萋春草秀嚶嚶喜候禽辰物盡明茂尊盛獨幽沈之子安所適我方棲舊岑墜歡豈更接明愛邈難尋

送盛侍郎餞候亭

霑霜襲冠帶驅駕越城闌北臨出塞道南望入鄉津高墉宿寒霧平野起秋塵君為坐堂子我乃負羈人欣悲豈等志甘苦誠異身結涕園中草憔悴悲此春

與荀中書別

勞舟厭長浪疲旆倦行風連翩感孤志契闊傷賤躬親交篤離愛眷戀置酒終敷文勉征念發藻慰愁容思君吟涉洧撫己謠渡江慙無黃鶴翅安得久相從願遂宿知意不使舊山空

從過舊宮

肅裝屬雲旅奉軻承末塗嚴恭履桑梓加敬覽粉楡靈命蘊川瀆帝寶伏篇圖虎

變由石紐龍翔自鼎湖功冠生民始道妙神器初宮陛留前制歌思溢今衢餘祥
見雲物遺像存陶漁泉流信清泌原野實甘荼豈伊愛艷鄙天險兼上腴東秦邦
北門非親誰克居仁聲日月懋惠澤雲雨敷盧令美何歇唐風久不渝微臣逢世
慶征賦備人徒空費行葦德探束謝生芻

從臨海王上荆初發新渚

客行有苦樂但問客何行襲王梁從軍行調扳龍不待翼附驥絕塵冥梁珪分楚牧羽鷁
指全荆雲艫掩江汜千里被連旌戾戾旦風適嘈嘈晨鼓鳴收纜辭帝郊揚棹發
皇京狐兔懷窟志犬馬戀主情撫襟同太息相顧俱涕零奉役塗未啓思歸思已
盈

還都道中三首

悅懌遂還心踊躍貪至勤鳴雞戒征路暮息落日分急流騰飛沫回風起江濱孤
獸嘯夜侶離鴻噪霜羣物哀心交橫聲切思紛紜歎慨訴同旅美人無相聞

風急訊灣浦裝高偃檣舳夕聽江上波遠極千里日寒律驚窮蹊爽氣起喬木隱
隱日沒岫瑟瑟風發谷鳥還暮林誼潮上冰結泐夜分霜下淒悲端出遙陸愁來
攢入懷羈心苦獨宿

久宦迷遠川川廣每多懼薄止閭邊亭關歷險程路靈巖冥隅岫濛昧江上霧時
涼籟爭吹流洄浪奔趣一作注惻馬增愁起搔首東南顧茫然荒野中舉目皆凜素
回風揚江泌寒鳥棲動樹太息終晨漏企我歸颺遇

上潯陽還都道中

昨夜宿南陵今日入蘆洲客行惜日月崩波不可留侵星赴早路畢景逐前儔鱗
鱗夕雲起獵獵晚一作曉風迺騰沙鬱黃霧翻浪揚白鷗登艫眺淮甸掩泣望荆流
絕日盡平原時見遠煙浮倏忽坐還合俄思甚兼秋未嘗違戶庭安能千里遊誰
令乏古節貽此越鄉憂

還都至三山望石頭城

泉源安首流川末澄遠波晨光被水族曉氣歇林阿。兩江皎平迴三山鬱駢羅。南帆望越嶠北榜指齊河。關扃繞天邑襟帶抱尊華。長城非壑嶮峻阻似荆芽攢樓貫白日摘堞隱丹霞征夫喜觀國遊子遲見家。流連入京引躑躅望鄉歌。彌前歎景促逾近勸路多。借萃猶如茲弘易將謂何。

還都口號

分壤蕃帝華列正藹。皇宮禮謙及時暇。朝奏因歲通維舟歇。金景結棹俟昌風。鉦歌首寒物歸吹踐開。冬陰沈煙塞合蕭瑟。涼海空馳霜急歸。節幽雲慘天容旌鼓貫玄塗。羽鷄被長江。君王遲京國。遊子思鄉邦。恩世共渝洽。身願兩扳逢。勉哉河濟客。勤爾尺波功。

行京口至竹里

高歌危且竦。鋒石橫復仄。復澗隱松聲。重崖伏雲色。冰閉寒方壯。風動鳥傾翼。斯志逢凋嚴。孤遊值曛逼。兼塗無憩鞍。半菽不遑食。君子樹令名。細人效命力。不見

長河水清濁俱不息

發後渚

江上氣早寒。仲秋始霜雪。從軍乏衣糧。方冬與家別。蕭條背鄉心。悽愴清渚發。涼埃晦平皋。飛潮隱修樾。孤光獨徘徊。空煙視昇滅。塗隨前峯遠。意逐後雲結。華志分馳年。韶顏慘驚節。推琴三起歎。聲爲君斷絕。

岐陽守風

差池玉繩高。掩藹瑤井沒。廣岸屯宿陰。懸巖棲歸月。役人喜先馳。軍令申早發。洲迴風正悲。江寒霧未歇。飛雲日東西。別鶴方楚越。塵衣孰揮灑。蓬思亂光髮。

發長松遇雪

土牛旣送寒。冥陸方泱馳。振風搖地局。封雪滿空枝。江渠合爲陸。天野浩無涯。飲泉凍馬骨。斲冰傷役疲。昆明豈不慘。黍谷寧可吹。

詠史

五都矜財雄三川養聲利。百金不市死明經。有高位京城十二衢。飛藁各鱗次。仕子影華纓。游客竦輕轡。明星晨未晞。軒蓋已雲至。賓御紛颯沓。鞍馬光照地。寒暑在一時。所好生毛羽所惡成瘡疥勢利所繁華及春媚。君平獨寂寞。身世兩相棄。

勢氣

蜀四賢詠

司馬相如 王褒 嚴君平 楊雄

嚴君平 楊雄

渤渚水浴亮。春山玉抵鵲。皇漢方盛明。羣龍滿階閣。君平因世閒。得還守寂寞。閉簾注道德。開卦述天爵。相如達生旨。能屯復能躍。陵令無人事。毫墨時灑落。衰氣有逸倫。雅績信炳博。如令聖納賢。金璫易羈絡。良遮神明遊。豈伊覃思作。玄經不期賞。蟲篆憂散樂。首路或參差。投駕均遠託。身表既非我。生內任豐薄。

擬古

魯客事楚王。懷金襲丹素。既荷主人恩。又蒙令尹顧。日宴罷朝歸。鞍馬塞衢路。宗黨生光輝。賓僕遠傾慕。富貴人所欲。道德亦何懼。南國有儒生。迷方獨淪誤。伐木

清江湄。設置守兔兔。

氣勢○自傷不遇不 如營客之宦成名遂

十五諷詩書。篇翰靡不通。弱冠參多士。飛步游秦宮。側覩君子論。預見古人風。兩說窮舌端。五車摧筆鋒。羞當白璧貺。恥受聊城功。晚節從世務。乘障遠和戎。解佩襲犀渠。卷袞奉盧弓。始願力不及。安知今所終。氣勢○前十四句以舌端筆鋒跌宕 自喜晚節四句僅以和戎見長悼

本志之變化末二句言今之事已異於 昔之志則後之過當又異於今之事矣

幽并重騎射。少年好馳逐。氍帶佩雙鞬。象弧插雕服。獸肥春草短。飛鞚越平陸。朝遊雁門上。暮還樓煩宿。石梁有餘勁。驚雀無全目。闕子宋景公使工人為弓九年 乃成公登虎園之臺而射之矢

留我一白羽。將以分虎竹。氣勢○志在 立功邊郡 鑿井北陵隈。百丈不及泉。生事本瀾漫。何用獨精堅。幼壯重寸陰。衰暮及輕年。放

與西賀射雀賀曰射其左目羿誤中右目仰首而愧

漢虜方未和邊城屢翻覆

駕息朝歌提爵止。中山日夕登城隅。周迴視洛川。街衢積凍草。城郭宿寒煙。繁華悉何在。宮闕久崩填。空謗齊景非。徒稱夷叔賢。勢氣

伊昔不治業。倦遊觀五都。海岱饒壯士。蒙泗多宿儒。結髮起躍馬。垂白對講書。呼我升上席。陳觶發瓢壺。管仲死已久。墓在西北隅。後面崔嵬者。桓公舊家廬。君來誠既晚。不覩崇明初。玉琬徒見傳。交友義漸疏。束薪幽篁裏。刈黍寒澗陰。朔風傷我肌。號鳥驚我心。歲暮井賦訖。程課相追尋。田租送函谷。獸藁輸上林。河渭冰未開。關隴雪正深。笞擊官有罰。呵辱吏見侵。不謂乘軒意。伏櫪還至今。

河畔草未黃。胡鴈已矯翼。秋螢扶戶吟。寒婦成夜織。去歲征人還。流傳舊相識。聞君上隴時。東望久歎息。宿昔改衣帶。朝日玉臺作旦暮異容色。念此憂如何。夜長愁更多。明鏡塵匣中。瑤琴生網羅。

蜀漢多奇山。仰望與雲平。陰崖積夏雪。陽谷散秋榮。朝朝見雲歸。夜夜聞猿鳴。憂人本自悲。孤客易傷情。臨堂設樽酒。留酌思平生。石以堅爲性。君勿輕素誠。

紹古辭七首

橘生湘水側。菲陋人莫傳。逢君金華宴。得在玉几前。三川窮名利。京洛富妖妍。恩榮難久恃。隆寵易衰偏。觀席妾悽愴。覩翰君泫然。徒抱忠孝志。猶爲葑菲遷。昔與君別時。蠶妾初獻絲。何言年月駛。寒衣已掃治。緜繡多廢亂。篇帛久塵縑。離心壯爲劇。飛念如懸旗。石席我不爽。德音君勿欺。

瑟瑟涼海風。竦竦寒山木。紛紛羈思盈。慊慊夜絃促。訪言山海路。千里歌別鶴。絃絕空咨嗟。形音誰賞錄。辛苦異人狀。美貌改如玉。徒畜巧言鳥。不解心款曲。孤鴻散江嶼。連翩遵渚飛。含嘶衡柱浦。馳顧河朔畿。攢攢勁秋木。昭昭淨冬暉。窗前滌歡爵。帳裏縫舞衣。芳歲猶自可。日夜望君歸。憑楹玩夜月。迴眺出谷雲。還山路已遠。往海不及羣。徘徊清淮汭。顧慕廣江濱。物情乖喜歇。守操古難聞。三越豐少姿。容態傾動君。

開黛觀容一作顏臨鏡訪遙塗。君子事河源。彌祀闕還書。春風掃地起。飛塵生綺疏。文袿爲誰設。羅帳空卷舒。不怨身孤寂。但念星隱隅。

暖歲節物早萬萌迎春達春風夜嫵媚春霧朝暝靄軟蘭葉可采柔桑條易捋怨
咽對風景悶督守閨闈天賦愁民命舍生但契闊憂來無行伍歷亂如覃葛詩女子善

懷亦各有行似為明遠此句之所本

學古

北風十二月雪下如亂巾實是愁苦節惆悵憶別一作情親會以兩少妾同是洛陽

人嫵綿好眉目閑麗美腰身凝膚皎若雪明淨色如神驕愛生盼矚聲媚起朱唇

衿服雜緹績首飾亂瓊珍調絃俱起舞為我唱梁塵人生貴得意懷願待君申幸

值嚴冬暮幽夜方未晨齊衿久兩設角枕已雙陳願君早休息留歌待三春

古辭

容華不待年何為客遊梁九月寒陰合悲風斷君腸歎息空房婦幽思坐自傷勞
心結遠路惆悵獨未央

擬青青陵上柏

涓涓亂江泉綿綿橫海煙浮生旅昭世空事歎華年書翰幸閒暇我酌子縈絃飛
鏢出荆路驚服指秦川渭濱富皇居鱗館匝河山輿童唱秉椒權女歌采蓮孚愉
鸞閣上窈窕鳳楹前娛生信非謬安用求多賢

學劉公幹體五首

欲宦乏王事結主遠恩私為身不為名散書徒滿帷連冰上冬月披雪拾園葵聖
靈燭區外小臣良見遺

噎噎寒野霧蒼蒼陰山栢樹迴霧縈集山寒野風急歲物盡淪傷孤貞為誰立賴

樹自能貞不計迹幽澀

胡風吹朔雪千里度龍山集君瑤臺上飛舞兩楹前茲晨自為美當避豔陽天豔

陽桃李節皎潔不成妍以朔雪自比其歲寒皎潔之性以桃李比側媚之子希世取寵者茲長秋也豔陽天春也

荷生淥泉中碧葉齊如規迴風蕩流霧珠水逐條垂彪炳此金塘藻耀君玉池不

愁世賞絕但畏盛明移藝文作張華

白日正中時天下共明光北園有細草當晝正含霜衰榮頓如此何用獨芬芳抽
琴爲爾歌絃斷不成章

擬阮公夜中不能寐

漏分不能臥酌酒亂繁憂惠氣憑夜清素景緣隙流鳴鶴時一聞千里絕無儔佇
立爲誰久寂寞空自愁

學陶彭澤體奉和王義興

長憂非生意短願不須多但使尊酒滿朋舊數相過秋風七八月清露潤綺羅提
瑟當戶坐歎息望天河保此無傾動寧復滯風波

白雲

探靈喜解骨測化善騰天情高不戀俗厭世樂尋仙鍊金宿明館屑玉止瑤淵鳳
歌出林闕龍駕戾蓬山凌巖采三露攀鴻戲五煙昭昭景臨霞湯湯風媚泉命娥
雙月際要媛兩星閒飛虹眺卷河汎霧弄輕絃笛聲謝廣賓神道不復傳一逐白

雲去千齡猶未旋此亦輕舉遠遊之意

臨川王服竟還田里

送舊禮有終事君慚懦薄稅駕罷朝衣歸志願巢壑尋思邈無報退命愧天爵捨
縛將十齡還得守場藿道經盈竹筍農書滿塵閣愴愴秋風生戚戚寒緯作豐霧
粲草華高月麗雲嶸屏跡勤躬稼哀疾倚芝藥顧此謝人羣豈直止商洛

行藥至城東橋

雞鳴關吏起伐鼓早通晨嚴車臨迴陌延瞰歷城闔蔓草緣高隅修楊夾廣津迅
風首日發平路塞飛塵擾擾遊宦子營營市井人懷金近從利撫劍遠辭親爭先
萬里塗各事百年身開芳及穉節含采吝驚春二句以草喻人也吝惜也草始而

之象盛極則必衰故可惜也尊賢永照灼孤賤長隱淪容華坐銷歇端爲誰苦辛此許亦感春

末四句言容華銷歇不勝感歎

園中秋散

負疾固無豫晨衿悵已單氣交蓬門疏風數園草殘荒墟半晚色幽庭憐夕寒既
悲月戶清復切夜蟲酸流枕商聲苦騷殺年志闌臨歌不知調發興誰與歡儻結
絃上情豈孤林下彈

觀圃人藝植

善賈笑蠶漁巧宦賤農牧遠養遍關市深利窮海陸乘軺實金羈當墟信珠服居
無逸身伎安得坐梁肉徒承屬生幸政緩吏平睦春畦及耘藝秋場早芟築澤閱
既繁高山營又登熟抱鍤壠上餐結茅野中宿空識已尙淳寧知俗翻覆

遇銅山掘黃精

土肪闕中經水芝韜內策一作籍寶餌緩童年命藥駐衰歷矧蓄終古情重拾煙霧
迹羊角樓斷雲榼口流隘石銅谿晝森沈乳竇夜涓滴既類風門磴復像天井壁
蹠蹠寒葉離濛濛秋水積松色隨野深月露依草白空守江海思豈懷梁鄭客得
仁古無怨順道今何惜

見賣玉器者並序

見賣玉器者或人欲買疑其是珉不肯成市聊作此詩以戲買者

涇渭不可雜珉玉當早分子實舊楚客蒙俗謬前聞安知理孚采豈識質明温我
方歷上國從洛入函轅揚光十貴室馳譽四豪門奇聲振朝邑高價服鄉村寧能
與爾曹瑜瑕稍辨論

懷楚人

哀樂生有端離會起無因去事難重念恍惚似如神屬期眇起遠後遇邈無辰馳
風掃遙路輕羅含夕塵思君成首疾欲息眉不伸

夢歸鄉玉臺作
夢還詩

銜淚出郭門撫劍無人達沙風暗空玉臺作塞起離心眷鄉畿夜分就孤枕夢想暫言
歸孀婦當戶歎縑絲外編作搔首復鳴機慊款論久別相將還綺闈歷歷檐下涼臃臃
帷裏暉刈蘭爭芬芳採菊競葢蕤開奩奪香蘇探袖解纓微夢中長路近覺後大

江。違。驚。起。空。歎。息。恍。惚。神。魂。飛。白。水。漫。浩。浩。高。山。壯。巍。巍。波。瀾。異。往。復。風。霜。改。榮。衰。此。土。非。吾。土。慷。慨。當。告。誰。

春羈

一。人。歎。道。遐。去。鄉。悵。路。邇。佳。期。每。無。從。淮。陽。非。尺。咫。春。日。起。遊。心。勞。情。出。徙。倚。岫。遠。雲。煙。綿。谷。屈。泉。靡。迤。風。起。花。四。散。露。濃。條。缺暄。妍。正。在。茲。摧。抑。多。嗟。思。嘶。聲。名。一作邊。堅。豈。我。箱。中。紙。染。翰。餉。君。琴。新。聲。憶。解。子。

歲暮悲

霜。露。迭。濡。潤。草。木。互。榮。落。日。夜。改。運。周。今。悲。復。如。昨。晝。色。苦。沈。陰。白。雪。夜。迴。薄。皎。潔。冒。霜。雁。飄。揚。出。風。鶴。天。寒。多。顏。苦。妍。容。逐。丹。壑。絲。眉。千。里。心。獨。宿。乏。然。諾。歲。暮。美。人。還。寒。壺。與。誰。酌。

在江陵歎年傷老

五。難。未。易。夷。三。命。戒。淵。抱。方。瞳。起。松。髓。積。髮。疑。桂。腦。役。生。良。自。休。大。患。安。足。保。開。簾。窺。景。夕。備。屬。雲。物。好。翯。翯。燕。弄。風。嫋。嫋。柳。垂。道。池。瀆。亂。蘋。萍。園。援。美。花。草。節。如。驚。灰。異。零。落。就。衰。老。

夜聽妓

原二首次首七
言四句末錄

夜。來。坐。幾。時。銀。漢。傾。露。落。澄。滄。入。閨。景。葳。蕤。被。園。藿。絲。管。感。暮。情。哀。音。遠。梁。作。芳。盛。不。可。恆。及。歲。共。為。樂。天。明。坐。當。散。琴。酒。駛。絃。酌。

翫月城西門廨中

始。出。西。南。樓。纖。纖。如。玉。鈎。末。映。東。北。墀。娟。娟。似。娥。眉。娥。眉。蔽。珠。櫛。玉。鈎。隔。鎖。窗。三。五。二。八。時。千。里。與。君。同。夜。移。衡。漢。落。徘徊。帷。戶。玉臺作幌中。歸。華。先。委。露。別。葉。早。辭。風。客。遊。厭。苦。辛。仕。子。倦。飄。塵。休。澣。自。公。日。宴。慰。及。私。辰。選注方言曰慰居也蜀。琴。抽。白。雪。郢。曲。發。玉臺作繞陽。春。看。乾。酒。未。闌。金。壺。啓。夕。淪。迴。軒。駐。輕。蓋。留。酌。待。情。人。

喜雨

奉敕

營。社。達。羣。陰。屯。雲。藝文作連宮揜。積。陽。河。井。起。龍。蒸。日。魄。斂。遊。光。簇。雲。飛。泉。室。震。風。沈。

羽鄉。升雲浹地維。傾潤瀉天潢。平灑周海嶽。曲潦溢川莊。驚雷鳴桂渚。迴涓流玉堂。珍木抽翠條。炎卉擢朱芳。關市欣九賦。京廩開萬箱。無謝堯爲君。何用知柏皇。苦雨

連陰積澆灌。滂沱下霖亂。沈雲日夕昏。驟雨淫朝旦。蹊瀟走獸稀。林寒鳥歸晏。密霧冥下溪。聚雲屯高岸。野雀無所依。羣雞聚空館。川梁日已廣。懷人邈渺漫。徒酌相思酒。空急促明彈。

詠白雪

白珪誠自白。不如雪光妍。工隨物動氣。能逐勢方圓。無妨玉顏媚。不奪素繒鮮。投心障苦節。隱迹避榮年。蘭焚石旣斷。何用恃芳堅。

三日

氣暄動思心。柳青起春懷。時豔憐花藥。服淨俛登臺。提壺野中飲。愛心煙未開。露色染春草。泉源潔冰苔。泥濡露條嫋。嫋承風裁。鳧雛掇苦薺。黃鳥銜櫻梅。解衿

欣景預臨流。競覆杯。美人竟何在。浮心空自摧。

詠秋

秋蘭徒晚綠。流風漸不親。飄我垂罍幕。驚此梁上塵。沈陰安可久。豐景將遂淪。何由忽靈化。暫見別離人。

秋夕

慮涕擁心用。夜默發思機。幽閨溢涼吹。閒庭滿清暉。紫蘭花已歇。青梧葉方稀。江上淒海戾。漢曲驚朔霏。髮斑悟壯晚。物謝知歲微。臨宵嗟獨對。撫賞怨情違。躊躇空明月。惆悵徒深帷。

秋夜二首

夜久膏旣竭。啓明日未央。環情倦始復。空閨起晨裝。幸承天光轉。曲影入幽堂。徘徊集通隙。宛轉燭迴梁。帷風自卷舒。簾露視成行。歲役急窮晏。生慮備溫涼。絲紈夙染濯。綿綿夜裁張。冬雪旦夕至。公子乏衣裳。華心愛零落。非直惜容光。願君翦

衆念且共覆前觴

遁跡避紛喧。貨農棲寂寞。荒徑馳野鼠。空庭聚山雀。既遠人世歡。還賴泉卉樂。折柳樊場圃。貞纒汲潭壑。霽日見雲峯。風夜聞海鶴。江介早寒來。白露先秋落。麻壘方結葉。瓜田已掃籜。傾暉忽西下。迴景思華幕。攀蘿席中軒。臨觴不能酌。終古自多恨。幽悲共淪鑠。

和王護軍秋夕

散漫秋雲遠。蕭蕭霜月寒。驚飆西北起。孤雁夜往還。開軒當戶牖。取琴試一彈。停歌不能和。終曲久辛酸。金氣方勁殺。隆陽微且單。泉涸甘井竭。節徙芳歲殘。生事各多少。誰共知易難。投章心蘊結。千里途輕紈。願託孤老暇。觴思暫開餐。

和王義興七夕

宵月向掩扉。夜霧方當白。寒機思孀婦。秋堂泣征客。匹命無單年。偶影有雙夕。暫交金石心。須臾雲雨隔。

冬至

舟遷莊甚笑。水流孔急歎。景移風度改。日至晷迴換。眇眇負霜鶴。皎皎帶雲雁。長河結瓓玕。層冰如玉岸。哀哀古老容。慘顏愁歲晏。催促時節過。逼迫聚離散。美人還未央。鳴箏誰與彈。

冬日

巖風亂山起。白日欲還次。曛霧蔽窮天。夕陰晦寒地。煙霾有氛氳。精光無明異。風急野田空。飢禽稍相棄。含生共通閉。懷賢敦爲利。天窺苟平圓。寧得已偏媚。瀉海有歸潮。衰容不還穉。君今且安歌。無念老方至。

望水

刷鬢垂秋日。登高觀水長。千澗無別源。萬壑共一廣。流駛巨石轉。湍迴急沫上。苕苕嶺岸高。照照寒洲爽。東歸難。寸測日逝誰與賞。臨川憶古事。目孱千載想。河伯自矜大。海若沈渺莽。

望孤石

江南多暖谷雜樹茂寒峯朱華抱白雪陽條熙朔風蚌節流綺藻輝石亂煙虹泄雲去無極馳波往不窮嘯歌清漏畢徘徊朝景終浮生會當幾歡酌每盈衷

山行見孤桐

桐生藁石裏根孤地寒陰上倚崩岸勢下帶洞阿深奔泉冬激射霧雨夏霖霪未霜葉已肅不風條自吟昏明積苦思晝夜叫哀禽棄妾望掩淚逐臣對撫心雖以慰單危悲涼不可任幸願見雕斲爲君堂上琴

詠雙燕二首

雙燕戲雲崖羽翰始差池出入南閨裏經過北堂陲意欲巢君幕層楹不可窺沈吟芳歲晚徘徊韶景移悲歌辭舊愛銜淚覓新知可憐雲中燕日去暮來歸自知羽翅弱不與鵠爭飛寄聲謝飛鵠往事子毛衣瑣心誠貧薄叵吝節榮衰陰山饒苦霧危節多勁威豈但避霜雪當做野人機

文選尙有數詩一首五言 樂府詩集尙有梅花落一首五言 淮南王

一首五言四句 吳歌三首五言四句 採菱歌七首五言四句

一首長短句 白紵歌六首七言七句 雜朝飛操一首七言三言七言 鳴雁行

謝元暉五古一百十八首

隋王鼓吹曲十首 齊永明八年謝朓奉鎮西隋王教於荊州道中作

元會曲

二儀啓昌歷三陽應慶期珪贄紛成序鞮譯憬來思分階艷組練充庭羅翠旗觴流白日下吹溢景雲滋天儀穆藻殿萬寓壽皇基

郊祀曲

六宗禋配岳五時奠甘泉整蹕遊九闕清簫開八埏鏘鏘玉鑾動溶溶金障旋郊宮光已屬升柴禮既虔福響靈之集南嶽固斯年

鈞天曲

高宴顯天臺。置酒迎風觀。笙鏞禮百神。鐘石動雲漢。瑤堂琴瑟驚。綺席舞衣散。威鳳來參差。玄鶴起凌亂。已慶明庭樂。詎慙南風彈。

入朝曲

江南佳麗地。金陵帝王州。逶迤帶綠水。迢遞起朱樓。飛藁夾馳道。垂楊蔭御溝。凝笳翼高蓋。疊後送華翰。獻納雲臺表。功名良可收。

出藩曲

雲枝紫微內。分組承明阿。飛艎遡極浦。旌節出關河。渺渺蒼山色。沈沈寒水波。饒音巴渝曲。簫鼓盛唐歌。夫君邁惟德。江漢仰清和。

校獵曲

凝霜冬十月。殺盛涼颯哀。原澤曠千里。騰騎紛往來。平置望煙合。烈火從風迴。殪獸華容浦。張樂荆山臺。虞人昔有諭。明明時戒哉。

從戎曲

選旅辭轅軒。弭節赴河源。日起霜戈照。風迴連騎翻。紅塵朝夜合。黃沙萬里昏。寥戾清笳轉。蕭條邊馬煩。自勉輟耕願。征役去何言。

送遠曲

北梁辭歡宴。南浦送佳人。方衢控龍馬。平路騁朱輪。瓊筵妙舞絕。桂席羽觴陳。白雲邱陵遠。山川時未因。一爲清吹激。潺湲傷別巾。

登山曲

天明開秀嶽。瀾光媚碧隄。風盪飄鶯亂。雲行芳樹低。暮春春服美。遊駕凌丹梯。升嶠旣小魯。登巒且悵齊。王孫尙遊衍。蕙草正萋萋。

泛水曲

玉露霑翠葉。金風鳴素枝。罷遊平樂苑。泛鷁昆明池。旌旗散容裔。簫管吹參差。日晚厭遵渚。採菱贈清漪。百年如流水。寸心寧共知。

江上曲

易陽春草出。踟躕日已暮。蓮葉尚田田。淇水不可渡。願子淹桂舟。時同千里路。千里既相許。桂舟復容與。江上可採菱。清歌共南楚。

蒲生行

蒲生廣湖邊。託身洪波側。春露惠我澤。秋霜縛我色。根葉從風浪。常恐不永植。攝生各有命。豈云智與力。安得遊雲上。與爾同羽翼。

詠邯鄲才人嫁為廝養卒婦

生平宮閣裏。出入侍丹墀。開笥方羅縠。窺鏡比蛾眉。初別意未解。去久日生悲。憔悴不自識。嬌羞餘故姿。夢中忽彷彿。猶言承燕私。

鼓吹曲二首同沈右率諸公賦

芳樹樂府解題曰古詞中有妒人之子愁殺人君有他心樂不可禁若齊王融謝朓之作但言時譽衆芳歇絕而已

早翫華池陰。復影一作滄洲樾。椅梔芳若斯。葳蕤紛可結。霜下桂枝銷。怨與飛蓬折。不廁玉盤滋。誰憐終委絕。

臨高臺

千里常思歸。登臺臨綺翼。纔見孤鳥還。未辨連山極。四面動清風。朝衣起寒色。誰知倦遊者。嗟此故鄉憶。

同賦雜曲名

詩陶為宣城守檀秀才江朝功曹朱孝廉同賦

秋竹曲

嬾娟綺窗北。結根未參差。從風既裊裊。映日頗離離。欲求喪下吹。別有江南枝。但能凌白雪。貞心蔭曲池。

曲水池

緩步遵莓渚。披衿待蕙風。芙蓉舞輕帶。苞筍出芳叢。浮雲自西北。江海思無窮。鳥去能傳響。見我綠琴中。

銅雀臺同謝諮議賦

詩集題曰銅雀妓

總帷飄井幹。樽酒若平生。鬱鬱西陵樹。詎聞歌吹聲。芳襟染淚迹。嬋娟空復情。玉

座猶寂寞。況乃妾身輕。韻情

遊山

託養因支離。乘閒遂疲蹇。語默良未尋。得喪云誰辯。幸洩山水都。復值清冬緬。凌巖必千仞。尋壑將萬轉。堅嶠既峻嶒。迴流復宛澶。杳杳雲竇深。淵淵石溜淺。旁眺鬱篔簹。還望森柎榭。荒隩被葳莎。崩壁帶苔蘚。鼯狖叫層巖。鷗鳧戲沙衍。觸賞聊自觀。卽趣咸已展。經日惜所遇。前路欣方踐。無言蕙草歇。留垣芳可攀。尙子時未歸。邴生思自免。永志昔所欽。勝迹今能選。寄言賞心客。得性良爲善。

遊敬亭山

茲山亙百里。合沓與雲齊。隱淪旣已託。靈異居然棲。上干蔽白日。下屬帶迴谿。交藤荒且蔓。樛枝聳復低。獨鶴方朝唳。飢鼯此夜唬。溼雲已漫漫。夕雨亦淒淒。我行雖紆阻。兼得尋幽蹊。綠源殊未極。歸徑窅如迷。要欲追奇趣。卽此凌丹梯。皇恩竟已矣。茲理庶無睽。律工

將遊湘水尋句溪

旣從陵陽釣。挂鱗驂赤螭。方尋桂水源。謁帝蒼山垂。辰哉且未會。乘景弄清漪。瑟汨瀉長淀。潺湲赴兩岐。輕蘋上靡靡。雜石下離離。寒草分花映。戲鮪乘空移。興以暮秋月。清霜落素枝。魚鳥余方翫。纓綉君自縻。及茲暢懷抱。山川長若斯。

遊東田

眺有莊在鍾山東遊還作

戚戚苦無悰。攜手共行樂。尋雲陟累榭。隨山望菌閣。遠樹曖阡阡。生煙紛漠漠。魚戲新荷動。鳥散餘花落。不對芳春酒。還望青山郭。

答王世子

飛雪天山來。飄聚繩樞外。蒼雲暗九重。北風吹萬籟。有酒招親朋。思與清顏會。熊席惟爾安。羔裘豈吾帶。公子不垂堂。誰肯憐蕭艾。

答張齊興

荆山從百里。漢廣流無極。北馳星斗正。南望朝雲色。川隰同幽快。冠冕異今昔。子

肅兩岐功。我滯三冬職。誰知京洛念。彷彿昆山側。向夕登城壕。潛池隱復直。地迴聞遙蟬。天長望歸翼。清文忽景麗。思泉紛寶飾。勿言修路阻。勉子康衢力。曾厓寂且寥。歸軫逝言陟。

暫使下都夜發新林至京邑贈西府同僚

蕭子顯齊書曰謝朓為隋王子隆在荆州好辭賦數集僚

友朓以才文尤被賞愛長史王秀之以朓年少相勳密以啓聞世祖敕朓可還都朓道中為詩以寄西府

大江流日夜。客心悲未央。徒念關山近。終知返路長。秋河曙耿耿。寒渚夜蒼蒼。引領見京室。宮雉正相望。金波麗鵠鵲。玉蠅低建章。驅車鼎門外。思見昭邱陽。成王定鼎

無梁常恐鷹隼擊。時菊委嚴霜。寄言尉羅者。寥廓已高翔。韻情

酬晉安王德元

晉安郡太康三年置即今之泉州也

稍稍枝早勁。塗塗露晚晞。南中榮橘柚。寧知鴻雁飛。拂霧朝青閣。日旰坐彤闈。悵望一途阻。參差百慮依。春草秋更綠。公子未西歸。誰能久京洛。緇塵染素衣。

郡內高齋閒望答呂法曹

郡宣城也呂僧珍為齊王法曹

結構何迢遞。曠望極高深。窗中列遠岫。庭際俯喬林。日出衆鳥散。山暝孤猿吟。已有池上酌。復此風中琴。非君美無度。孰為勞寸心。惠而能好我。問以瑤華音。若遺金門步。見就玉山岑。工律能○若字

在郡臥病呈沈尚書

淮陽股肱守。高臥猶在茲。况復南山曲。何異幽棲時。連陰盛農節。臺笠聚東菑。高閣常晝掩。荒堦少諍辭。珍簟清夏室。輕扇動涼颼。嘉魴聊可薦。綠蟻方獨持。夏李沈朱實。秋藕折輕絲。良辰竟何許。夙昔夢佳期。坐嘯徒可積。為邦歲已基。絃歌終莫取。撫枕令自嗤。律工

別王丞僧孺

古文苑作王融

首夏猶清和。餘春滿郊甸。花樹雜為錦。月池皎如練。如何當此時。別離言與宴。留雜已鬱紆。行舟亦遙衍。非君不見思。所悲思不見。律工

同羈夜集

積念隔炎涼。驪言始今夕。已對濁尊酒。復此故鄉客。霜月始流砌。寒蜻早吟隙。幸藉京華遊。邊城謙良席。樵采咸共同。荆莎聊可藉。恐君城闕人。安能久松柏。

新亭渚別范零陵雲

洞庭張樂地。瀟湘帝子遊。雲去蒼梧野。水還江漢流。洞庭瀟湘皆范赴零陵之南過

故曰雲去零陵之水必由江還停驂我悵望。輟棹子夷猶。廣平聽方籍。茂陵將見

求。言范同廣平而聲聽方向籍已當居茂陵之下將於彼而見求王隱晉書曰鄭

德化善為條教百姓愛之鄭玄毛詩箋曰方向也漢書曰司馬相如既病免家居

茂陵心事俱已矣。江上徒離憂。韻情

忝役湘州與宣城吏民別

弱齡倦簪履。薄晚忝華輿。閒沃盡地區。山泉諧所好。幸遇昌化穆。淳俗罕驚暴。四時從偃息。三省無侵冒。下車遽暄席。暄席即暖席也後世所紆服始黔竈。榮辱未

遑敷。德禮何由導。汨徂奉南岳。兼秩典邦號。疲馬方云驅。鉛刀安可操。遺惠良寂

寞。恩靈亦匪報。桂水日悠悠。結言幸相勞。吐納貽爾和。窮通勗所蹈。

懷故人

芳洲有杜若。可以贈佳期。望望忽超遠。何由見所思。行行未千里。山川已閒之。離居方歲月。故人不在茲。清風動簾夜。孤月照窗時。安得同攜手。酌酒賦新詩。

始之宣城郡

下帷闕章句。高談媿名理。疏散謝公卿。蕭條依掾史。簪髮逢嘉惠。教義承君子。心迹苦未并。憂歡將十祀。幸沾雲雨慶。方轡參多士。振鷺徒追飛。羣龍難隸齒。烹鮮止貪競。共治屬廉恥。伊余味損益。何用祇千里。解劍北宮朝。息駕南川涘。寧希廣平詠。聊慕華陰市。棄置宛洛遊。多謝金門裏。招招漾輕楫。行行趨巖趾。江海雖未從。山林於此始。

之宣城郡出新林浦向板橋

江路西南永歸流。東北驚天際。識歸舟。雲中辨江樹。旅思倦搖搖。孤遊昔已屢。既歡懷祿情。復協滄洲趣。囂塵自茲隔。賞心於此遇。雖無玄豹姿。終隱南山霧。情韻

休沐重還丹陽道中

薄遊第從告。思閒願罷歸。還邛歌賦似。休汝車騎非。灞池不可別。伊川難重違。汀葭稍靡靡。江菼復依依。田鵠遠相叫。沙鶉忽爭飛。雲端楚山見。林表吳岫微。試與征徒望。鄉淚盡沾衣。賴此盈樽酌。含景望芳菲。問我勞何事。霑沐仰清徽。志狹輕軒冕。恩甚戀閨闈。歲華春有酒。初服偃郊扉。

京路夜發

擾擾整夜裝。肅肅戒徂兩。曉星正寥落。晨光復瀼瀼。猶沾餘露團。稍見朝霞上。故鄉邈已負。山川修且廣。文奏方盈前。懷人去心賞。敕躬每跼踖。瞻恩惟震蕩。行矣倦路長。無由稅歸鞅。

晚登三山還望京邑

灞。涘。望。長。安。河。陽。視。京。縣。以灞陵河陽比三山以長安洛陽比石頭城白。日。麗。飛。夢。參。差。皆。可。見。餘。霞。散。成。綺。澄。江。靜。如。練。喧。鳥。覆。春。洲。雜。英。滿。芳。甸。去。矣。方。滯。淫。懷。哉。罷。歡。宴。佳。期。悵。何。許。淚。下。如。流。霰。有。情。知。望。鄉。誰。能。鬢。不。變。情韻

始出尚書省

眺兼尚書殿中郎高宗輔政以眺為諸議領記室故出尚書省也

惟昔逢休明。十載朝雲陛。既通金閨籍。復酌瓊筵醴。宸景厭昭臨。昏風淪繼體。紛虹亂朝日。濁河穢清濟。防口猶寬政。餐茶更如薺。英袞暢人謀。文明固天啓。青精翼紫軼。黃旗映朱邸。還覩司隸章。復見東都禮。中區咸已泰。輕生諒昭洒。音趨事辭宮闕。載筆陪旌棨。邑里向疏蕪。寒流自清泚。衰柳尚沈沈。凝露方泥泥。零落悲友朋。歡娛燕兄弟。既秉丹石心。寧流素絲涕。因此得蕭散。垂竿深澗底。逢休明謂齊武帝時

也宸景句謂武帝崩也繼體句指鬱林王昭業也英袞二句謂明帝廢鬱林王海陵王而即位也明帝即高宗也輕生似眺自稱之辭猶自稱微生小生也辭宮闕出尚書省也陪旌棨為諸議領記室也

直中書省

紫殿肅陰陰。彤庭赫弘敞。風動萬年枝。日華承露掌。玲瓏結綺錢。深沈映朱網。紅藥當階翻。蒼苔依砌上。茲言翔鳳池。鳴珮多清響。信美非吾室。中園思偃仰。朋情以鬱陶。春物方駘蕩。安得凌風翰。聊恣山泉賞。律工

觀朝雨

朔風吹飛雨。蕭條江上來。既灑百常觀。復集九成臺。空濛如薄霧。散漫似輕埃。平明振衣坐。重門猶未開。耳目暫無擾。懷古信悠哉。戢翼希驥首。乘流畏曝鰓。動息無兼遂。歧路多徘徊。方同戰勝者。去翦北山萊。識度

宣城郡內登望

借問下車日。匪直望舒圓。寒城一以眺。平楚正蒼然。山積陵陽阻。溪流春穀泉。威紆距遙甸。嶢嶢帶遠天。切切陰風暮。桑柘起寒煙。悵望心已極。恟怳魂屢遷。結髮倦爲旅。平生早事邊。誰規鼎食盛。寧要狐白鮮。方棄汝南諾。言稅遼東田。識度○續漢書

曰汝南太守南陽宗資任用范滂時人謠曰汝南太守范孟博南陽宗資主畫諸魏志曰管寧聞公孫度令行海外遂至遼東皇甫謐高士傳曰人或牛暴寧田者

寧爲牽牛
之其人大慙

冬日晚郡事隙

案牘時閒暇。偶坐觀卉木。颯颯滿池荷。翛翛蔭窗竹。檐隙自周流。房櫳閒且肅。蒼翠望寒山。崢嶸瞰平陸。已惕慕歸心。復傷千里日。風霜旦夕甚。蕙草無芬馥。云誰美笙簧。孰是厭邁軸。願言稅逸駕。臨潭餌秋菊。

高齋視事

餘雪映青山。寒霧開白日。曖曖江村見。離離海樹出。披衣就清盥。憑軒方秉筆。列俎歸單味。連駕止容膝。空爲大國憂。紛詭諒非一。安得掃荒逕。鎖吾愁與疾。

冬緒羈懷示蕭諮議虞田曹劉江二常侍

去國懷邱園。入遠滯城闕。寒燈耿宵夢。清鏡悲曉髮。風草不留霜。冰池共如月。寂寞此閒帷。琴尊任所對。客念坐嬋媛。年華稍菴夔。夙慕雲澤遊。共奉荆臺績。一聽春鶯喧。再視秋鴻沒。疲驂良易返。恩波不可越。誰慕臨淄鼎。常希茂陵渴。依隱幸

自從求心果蕪味方軫歸與願故山芝未歇

落日悵望

味旦多紛喧日宴未遑舍落日餘清陰高枕東窗下寒槐漸如束秋菊行當把借問此何時涼風懷朔馬已傷慕歸客復思離居者情嗜幸非多案牘偏爲寡既乏琅琊政方憩洛陽社

賽敬亭山廟喜雨

夕悵懷椒糈蠲景潔膏薌登秋雖未獻望歲佇年祥潭淵深可厲狹邪車未方朦朧度絕限出沒見林堂秉玉朝羣帝樽桂迎東皇排雲接虬蓋蔽日下霓裳會舞紛瑤席安歌遶鳳梁百味芬綺帳四座沾羽觴福被延民澤樂極思故鄉登山騁歸望原雨晦茫茫胡寧味千里解珮拂山莊

賦貧民田

假遇一作佳非將迎靖共一作靜延殊慶中歲歷三臺旬月典邦政曾是共治情敢忘

卹貧病將無富教禮孰有知方性敦本抑工商均業省兼併察壤見泉脈覘星視

農正黍稷緣高殖一作穡稔一作稔卽卑盛舊埒新塍分青苗白水映遙樹匝清陰連山

周遠淨卽此風雲佳孤觴聊可命既微三載道庶藉兩歧詠俾爾倉廩實余從谷

口鄭

移病還園示親屬

疲策倦人世斂性就幽蓬停琴佇涼月滅燭聽歸鴻涼薰乘暮晰秋華臨夜空葉低知露密崖斷識雲重折荷葺寒袂開鏡眇衰容海暮騰清氣河關祕棲沖煙衡時未歇芝蘭去相從律工

治宅

結宇夕陰街荒幽橫九曲迢遞南川陽迤邐西山足闢館臨秋風敞窗望寒旭風碎池中荷霜翦江南菴既無東都金且稅東皋粟

秋夜講解

四緣去誰肇。七識習未央。沈沈倒營魄。苦蔭蹙愁腸。琴瑟徒爛漫。姱容空滿堂。春
顏遽幾日。秋壘終茫茫。孰云濟沈溺。假願託津梁。惠唱摛泉湧。妙演發金相。空有
定無執。賓實固相忘。自來乘首夏。及此申暮霜。雲物清晨景。衣巾引夕涼。風振蕉
蓬裂。霜下梧楸傷。一作露下 梧桐傷六龍且無借。三相寧久長。何時接靈應。及子同舟航。

春思

茹谿發春水。毗山起朝日。蘭色望已同。萍際轉如一。巢燕聲上下。黃鳥弄儔匹。邊
郊阻遊衍。故人盈契闊。夢寐借假簧。思歸賴倚瑟。幽念漸鬱陶。山楹永爲室。

秋夜

秋夜促織鳴。南鄰搗衣急。思君隔九重。夜夜空佇立。北窗輕幔垂。西戶月光入。何
知白露下。坐視階前溼。誰能長分居。秋盡冬復及。

和何議曹郊遊二首

春心澹容與。挾戈步中林。朝光映紅萼。微風吹好音。江垂得清賞。江垂猶 云江邊山際果

幽尋未嘗遠離別。知此愜歸心。流沝終靡已。嗟行方至今。

江皋倦遊客。薄暮懷歸者。揚舫浮大川。惆悵至日下。羈靡青莎被。潺湲石流瀉。寄
語持笙簧。舒憂願自假。歸途豈難涉。翻同江上夏。

和劉西曹望海臺

滄波不可望。望極與天平。往往孤山映。處處春雲生。差池遠雁沒。颯沓羣鳧驚。囂
塵及簿領。棄捨出重城。臨川徒可羨。結網庶時營。

和宋記室省中

落日飛鳥遠。憂來不可極。竹樹澄遠陰。雲霞成異色。懷歸欲乘電。瞻言思解翼。清
揚婉禁居。祕此文墨職。無歎阻琴尊。相從伊水側。

和王著作融八公山

二別阻漢坻。雙嶠望河澳。茲嶺復噴岈。分區奠淮服。東限瑯琊臺。西距孟諸陸。阡
眠起雜樹。檀欒蔭修竹。日隱澗疑空。雲聚岫如複。出沒眺樓雉。遠近送春日。戎州

昔亂華素景淪伊穀。阨危賴宗袞。微管寄明牧。長蛇固能剪。奔鯨自此曝。道峻芳塵流。業遙年運倏。平生仰令圖。吁嗟命不淑。浩蕩別親知。連翩戒征軸。再遠館娃宮。兩去河陽谷。風煙四時犯。霜雨朝夜沐。春秀良已凋。秋場庶能築。

州其蔽曰孟諸亦在八公山之東而云西者避上文耳素晉也伊穀洛陽也淪者謂懷戀陷於賊庭宗袞指謝安明牧指謝玄春秀句謂年華已逝秋場句謂終

田當歸

和伏武昌登孫權故城 伏曼容為武昌太守

炎靈遺劍璽。當塗駭龍戰。聖期缺中壤。霸功興寓縣。鵠起登吳山。鳳翔凌楚甸。衿

帶窮巖險。帷帟盡謀選。北拒溈驂鏣。謂周瑜破曹操於赤壁西龕收組練。謂陸遜破劉備於西陵江海

既無波。俯仰流英眄。裘冕類禋郊。卜揆崇離殿。卜揆用詩卜云其吉揆之日指吳相宅於武昌也釣臺臨

講閱樊山開。廣讌文物共葳蕤。聲明且蔥蒨。三光厭分景。書軌欲同薦。參差世紀

忽寂寞。市朝變舞館。識餘基。歌梁想遺囀。故林衰木平。荒池秋草徧。雄圖悵若茲。

茂。宰深遐。睠。指伏曼容幽客滯江皋。睠自謂也從賞乖纓弁。清卮阻獻酬。良書限聞見。幸藉

芳音多承風采餘。絢于役儻有期。鄂渚同遊衍 律工

夏始和劉潺陵

威仰弛蒼郊。龍曜表皇隰。春色卷遙甸。炎光麗近邑。白蘋望已騁。緡荷紛可襲。徒

願尺波旋。終憐寸景戡。對窗斜日過。洞幌鮮飈入。浮雲去欲窮。暮鳥飛相及。柔翰

縝芳塵清源非易揖。迴江難絕濟。云誰暢佇立。良宰勗夜漁。出入事朝汲。積羽余

既裳更賦子盈粒。椅梧何必零歸來共棲集

新治北窗和何從事

國少暇日多。民淳紛務屏。關牖期清曠。開簾候風景。泱泱日照溪。團團雲去嶺。岩

嶢蘭橈峻。駢闐石路整。池北樹如浮。竹外山猶影。自來彌弦望。及君臨箕穎。清文

蔚且詠。微言超已領。不見城濠側。思君朝夕頃。迴舟方在辰。何以慰延頸

和王主簿季哲怨情

掖庭聘絕國。長門失歡宴。相逢詠靡蕪。辭寵悲團扇。花叢亂數蝶。風簾入雙燕。徒

使春帶賒坐。惜紅妝變生平。一顧重宿昔。千金賤故人心。尙爾故人心不見。

和徐都曹出新亭渚 徐名勉

宛洛佳遊。春色滿皇州。結軫清郊路。迴瞰蒼江流。日華川上動。風光草際浮。桃

李成蹊徑。桑榆蔭道周。東都已倣載。言歸望綠疇。 律工

和劉中書 劉名繪。有入琵琶峽。望積布磯詩。

昔余侍君子。歷此遊荆漢。山川隔舊賞。朋僚多雨散。圖南矯風翮。曾非息短翰。移疾覲新篇。披衣起淵翫。惆悵懷昔踐。彷彿得殊觀。赭紫共彬駮。雲錦相凌亂。奔星上未窮。驚雷下將半。迴潮漬崩樹。輪囷軋傾岸。巖篠或傍翻。石筩無脩幹。澄澄明浦媚。衍衍清風爛。江潭良在目。懷賢興累歎。歲暮不我期。淹留絕巖畔。

贈王主簿二首

日落窗中坐。紅妝好顏色。舞衣嬖未縫。流黃覆不織。蜻蛉草際飛。遊蜂花上食。一遇長相思。願寄連翩翼。

清吹要碧玉。調絃命綠珠。輕歌急綺帶。含笑解羅襦。餘曲詎幾許。高駕且踟蹰。徘徊

徊韶景暮 一作憐暮景 惟有洛城隅

和蕭中庶直石頭 蕭衍梁武帝也

九河互積阻。三峻鬱旁眺。皇州總地德。迴江款巖徼。井榦艸蒼林。雲薨蔽層嶠。川霞旦上薄。山光晚餘照。翔集亂歸飛。虹蜺紛引曜。君子奉神略。瞰迴憑重峭。彈冠已藉甚。升車益英妙。功存漢冊書。榮並周庭燎。汲疾移偃息。董園倚談笑。麾旆一悠悠。謙姿光且劭。謙嘉多暇日。興文起淵調。曰余廁鱗羽。滅景從漁釣。澤渥資投分。逢迎典待詔。詠詔邈含毫。專城空坐嘯。徒慚皇鑒揆。終延曲士誥。方追隱淪訣。偶解金丹要。若偶巫咸招。帝閭良可叫。

奉和竟陵王同沈右率過劉先生墓 竟陵王蕭子良也。劉先生劉歙也。

嘉樹因枝條。琢玉良可寶。若人陵曲臺。垂帷茂淵道。善誘宗學原。鳴鐘霽幽抱。仁焉徂宛洛。清徽夜何早。歲晚結松陰。平原亂秋草。不有至言揚。終滯西山老。

和王長史臥病

王名秀之

崑岫款崇崖。派別朝洪河。兔園文雅盛。章臺冠蓋多。淵襟眷睿岳。變贊動毗歌。顧影慚駢服。載筆旅江沱。縞衣分可獻。琴言曖已和。青皋向還色。春潤視生波。巖垂變好鳥。垂猶際也松上改陳蘿。日與歲眇邈。歸恨積一作積蹉跎。願緝吳山杜。寧袂楚池荷。清風豈孤劭。功遂懷曾阿。勿藥良有暢。荏苒芳未過。幸留清樽味。言藉故田莎。

和江丞北戍琅邪城

江丞名孝嗣

春城麗白日。阿閣跨層樓。蒼江忽渺渺。驅馬復悠悠。京洛多塵霧。淮濟未安流。豈不思撫劍。惜哉無輕舟。夫君良自勉。歲暮勿淹留。

和沈祭酒行園

沈約

清淮左長薄。荒徑隱高蓬。回潮旦夕上。寒渠左右通。霜畦紛綺錯。秋町鬱蒙茸。環梨懸已紫。珠榴折且紅。君有棲心地。伊我歡既同。何用甘泉側。玉樹望青蔥。

奉和隋王殿下十六首

隋郡王蕭子隆

玄冬寂脩夜。天圍靜且開。亭皋霜氣愴。松宇清風來。高琴時以思。幽人多感懷。幸藉汾陽想。嶺首正徘徊。

高秋夜方靜。神居肅且深。閒階塗廣露。涼宇澄月陰。嬋娟影池竹。疏蕪散風林。淵情協爽節。詠言興德音。闇道空已積。干直愧蓬心。

愴愴緒風興。祁祁族雲布。巖氣集高軒。稠陰結寒樹。日月謬論思。朝夕承清豫。徒藉小山文。空揖章臺賦。

星回夜未艾。洞房凝遠情。雲陰滿池榭。中月懸高城。喬木含風霧。行鴈飛且鳴。平臺盛文雅。西園富羣英。芳慶良永矣。君王嗣德聲。眷此伊洛詠。載懷汾水情。顧己非麗則。恭惠奉仁明。觀淄詠已失。撫然愧簪纓。

肅景遊清都。脩簪侍蘭室。累榭疏遠風。廣庭麗朝日。穆穆神儀靜。悄悄道言密。一餐繫靈表。無吝科年歷。

神心遺魏闕。沖想顧汾陽。肅景懷辰豫。捐玦翦山楊。時惟清夏始。雲景曖含芳。月

陰洞野色。日華麗池光。草合亭皋。遠霞生川路。長端坐聞鶴引。靜瑟愴復傷懷哉。
泉石思歌詠。鬱瓊相春塘。多迭駕言從。伊與商袞職。眷英覽獨善。伊何忘願輟。東
都遠弘道。侍云梁。

清房洞已靜。閒風伊夜來。雲生樹陰遠。軒廣月容開。宴私移燭飲。遊賞藉琴臺。風
猷冠淄鄴。祗鳥愧唐枚。

方池含積水。明月流皎鏡。規荷承日。泫影鱗與風。泳上善。叶淵心止。川測動性。幸
是方春來。側點游瀛益。

浮雲西北起。飛來下高堂。合散輕帷表。飄舞桂臺陽。遙階收委羽。平地如夜光。眷
言金玉照。顧慚蘭蕙芳。

睿心重離析。歧路清江隈。四面寒飈舉。千里白雲來。川長別管思。地迴翻旗回。還
顧昭陽闕。超遠章華臺。置酒巫山日。爲君停玉杯。

桂樓飛絕限。超遠向江岐。輕寒霽廣甸。微風散清漪。連連絕雁舉。渺渺青煙移。嚴
城亂芸草。霜塘凋素枝。氣爽深遙矚。豫永聊停曦。卽已終可悅。盈樽且若斯。

炎光缺風雅。宗霸拯時淪。龍德待雲霧。令圖方再晨。歲遠荒城思。霜華宿草陳。英
威遽如是。徘徊歧路人。

念深冲照廣業。闡清化玄端。儀穆金殿敷。教藻瓊筵。船湛輕帷藹。磬轉芳風旋。卷
轡棲道樹。方津棹法舫。歸興憑大造。昭塗良易筌。

分悲玉瑟斷。別緒金樽傾。風入芳帷散。缸華蘭殿明。想折中園草。共知千里情。行
雲故鄉色。贈此一離聲。

年華豫已滌。夜艾賞方融。新萍時合水。弱草未勝風。閨幽瑟易響。臺迴月難中。春
物廣餘照。蘭萱佩未窮。

連漪映餘雪。嚴城限深霧。清寒起洞門。東風急池樹。神居望已肅。徘徊舉冲趣。棲
歸如遲詠。邱山不可屢。

和紀參軍服散得益

金液稱九轉。西山歌五色。鍊質乃排雲。濯景終不測。雲英亦可餌。且駐羲和力。能令長卿臥。暫故遇真識。

和王中丞聞琴

涼風吹月露。圓景動清陰。蕙氣入懷抱。聞君此夜琴。蕭瑟滿林聽。輕鳴響澗音。無爲澹容與。蹉跎江海心。

將發石頭上烽火樓

徘徊戀京邑。躑躅躑曾阿。陵高遲關近。眺迴風雲多。荆吳阻山岫。江海含瀾波。歸飛無羽翼。其如離別何。

望三湖

積水照蘋霞。高臺望歸翼。平原周遠近。連汀見紆直。葳蕤向春秀。芸黃共秋色。薄暮傷哉人。嬋媛復何極。

送江水曹還遠館

高館臨荒途。清川帶長陌。上有流思人。懷舊望歸客。塘邊草雜紅。樹際花猶白。日暮有重城。何由盡離席。

送江兵曹檀主簿朱孝廉還上國

方舟泛春渚。攜手趨上京。安知暮歸客。詎憶山中情。香風蕊上發。好鳥葉閒鳴。揮袂送君已。獨此夜琴聲。

臨溪送別

悵望南浦時。徙倚北梁步。葉上涼風初。日隱輕霞暮。荒城迴易陰。秋溪廣難渡。沫泣豈徒然。君子行多露。

後齋迴望

高軒瞰四野。臨牖眺襟帶。望山白雲裏。望水平原外。夏木轉成帷。秋荷漸如蓋。鞏洛常睠然。搖心似懸旆。

與江水曹至干濱戲

玉臺作別
江水曹

山中上芳月。故人清樽賞。遠山翠百重。迴流映千丈。花枝聚如雪。蕪絲散猶網。一作似垂藤散別後能相思。何嗟異封壤。

答沈右率諸君餞別

春夜別清樽。江潭復爲客。歎息東流水。如何故鄉陌。重樹日芬葢。芳洲轉如積。望望荆臺下。歸夢相思夕。

離夜同江丞王常侍作

玉繩隱高樹。斜漢耿層臺。離堂華燭盡。別幌清琴哀。翻潮尙知限。客思耿難裁。山川不可夢。況乃故人杯。

祀敬亭山廟

翦削兼太華。崢嶸跨玄圃。貝闕眊阿宮。薛帷陰網戶。參差時未來。徘徊望澧浦。椒糝若馨香。無絕傳終古。

出下館

一作夏日

麥候始清和。涼雨銷炎燠。紅蓮搖弱荇。丹藤繞新竹。物色盈懷抱。方駕娛耳目。零落旣難留。何用存華屋。

落日同何儀曹煦

參差複殿影。氛氳綺羅雜。風入天淵池。芰荷搖復合。遠聽雀聲聚。回望樹陰杳。一賞桂尊前。寧傷蓬鬢颯。

夜聽妓二首

瓊闥釧響聞。瑤席芳塵滿。要取洛陽人。共命江南管。情多舞態遲。意傾歌弄緩。知君密見親。寸心傳玉盃。

上客光四座。佳麗值千金。掛釵報纓絕。墮珥答琴心。蛾眉已共笑。清香復入襟。歡樂夜方靜。翠帳垂沈沈。

詠薔薇

低枝詎勝葉。輕香幸自通。發萼初攢紫。餘采尙霏紅。新花對白日。故蕊逐行風。參

差不俱曜。誰肯盼微叢。

詠蒲

離離水上蒲。結水散為珠。閒廁秋菡萏。出入春鳧雛。初萌實雕俎。暮蕊雜椒塗。所悲塘上曲。遂鑠黃金軀。

詠兔絲

輕絲既難理。細縷竟無織。爛漫已萬條。連綿復一色。安根不可知。縈心終不測。所貴能卷舒。伊用蓬生直。

遊東堂詠桐

孤桐北窗外。高枝百尺餘。葉生既婀娜。葉落更扶疏。無華復無實。何以贈離居。裁為珪與瑞。足可命參墟。

雜詠三首

鏡臺

玲瓏類丹檻。苕亭似玄闕。對鳳懸清冰。垂龍挂明月。照粉拂紅妝。插花理雲髮。玉顏徒自見。常謂君情歇。

燈

發翠斜漢裏。蓄寶宕山峯。抽莖類仙掌。銜光似燭龍。飛蛾再三繞。輕花四五重。孤對相思夕。空照舞衣縫。

燭

杏梁賓未散。桂宮明欲沈。曖色輕帷裏。低光照寶琴。徘徊雲髻影。灼爍綺疏金。恨君秋月夜。遺我洞房陰。

同詠樂器得琴

同沈約王融

洞庭風雨幹。龍門生死枝。雕刻紛布濩。沖響鬱清危。春風搖蕙草。秋月滿華池。是時操別鶴。淫淫客淚垂。

同詠坐上玩器得烏皮隱几

同沈約

蟠木生附枝。刻削豈無施。取則龍文鼎。三趾獻光儀。勿言素韋潔。白沙尙推移。曲躬奉微用。聊承終宴疲。

同詠坐上所見一物得席同王融虞炎柳惲等

本生潮汐池。落景照參差。汀洲蔽杜若。幽渚奪江蘼。遇君時采擷。玉座奉金卮。但願羅衣拂。無使素塵彌。

詠竹火籠同沈約

庭雪亂如花。井冰粲成玉。因炎入貂袖。懷溫奉芳褥。體密用宜通。文邪性非曲。本自江南墟。嬾娟脩且綠。暫承君玉指。請謝陽春旭。

詠風

徘徊發紅萼。葳蕤動綠葹。垂楊低復舉。新萍合且離。步檐行袖靡。當戶思襟披。高響飄歌吹。相思子未知。時拂孤鸞鏡。星鬢視參差。

詠竹

窗前一叢竹。青翠獨言奇。南條交北葉。新筍雜故枝。月光疏已密。風來起復垂。青扈飛不礙。黃口得相窺。但恨從風籟。根株長別離。

詠落梅

新葉初冉冉。初蕊新菲菲。逢君後園燕。相隨巧笑歸。親勞君玉指。摘以贈南威。用持插雲髻。翡翠比光輝。日暮長零落。君恩不可追。

詠牆北梔子

有美當階樹。霜露未能移。金蕢發朱采。映日以離離。幸賴夕陽下。餘景及西枝。還思照綠水。君階無曲池。餘榮未能已。晚實猶見奇。復留傾筐德。君恩信未貲。

樂府詩集有齊零祭樂歌八首三四五言及七言九言有所思五言四句玉階怨五言四句祭樂歌王孫遊五言四句永明樂十首五言四句均未鈔

十八家詩鈔卷三終

十八家詩鈔卷四目錄

李太白五古上二百九首

古風五十九首

關山月

長干行二首

上之回

妾薄命

門有車馬客行

東海有勇婦

白馬篇

塞下曲六首

玉階怨

俠客行

結客少年場行

古朗月行

獨不見

幽州胡馬客歌

君子有所思行

黃葛篇

怨歌行

塞上曲三首

襄陽曲四首

大隄曲

宮中行樂詞八首

鼓吹入朝曲

秦女休行

秦女卷衣

東武吟

邯鄲才人嫁爲厮養卒婦

出自薊北門行

洛陽陌

北上行

短歌行

空城雀

發白馬

陌上桑

枯魚過河泣

丁都護歌

相逢行二首

千里思

樹中草

君馬黃

擬古

折楊柳

鳳凰曲

少年子

紫騮馬

少年行

豫章行

沐浴子

高句驪

靜夜思

淶水曲

鳳臺曲

從軍行二首

秋思二首

春思

子夜吳歌四首

對酒二首

估客樂

去婦詞

長歌行

南都行

玉真仙人詞

清溪行

歷陽壯士勤將軍名思齊歌

古意

贈從兄襄陽少府皓

贈張公洲革處士

淮海對雪贈傅靄

贈徐安宜

贈任城盧主簿潛

早秋贈裴十七仲堪

贈范金鄉二首

贈瑕邱王少府

贈丹陽橫山周處士惟長

玉真公主別館苦雨贈衛尉張卿二首

贈韋祕書子春

贈韋侍御黃裳二首

贈薛校書

贈何七判官昌浩

讀諸葛武侯傳書懷贈長安崔少府叔封昆季

贈崔侍御

贈參寥子

贈饒陽張司務璩

贈清漳明府姪

贈臨洛縣令皓弟

鄴中贈王大勸入高鳳石門山幽居

贈盧徵君昆弟

贈新平少年

贈崔侍御

贈嵩山焦鍊師

秋日鍊藥院鑷白髮贈元六兄林宗

書情贈蔡舍人雄

憶襄陽舊遊贈濟陰馬少府巨

訪道安陵遇蓋寰爲予造真籙臨別留贈

贈郎中崔宗之

贈崔諮議

贈別從甥高五

贈裴司馬

敘舊贈江陽宰陸調

贈從孫義興宰銘

草創大還贈柳官迪

贈崔司戶文昆季

贈溧陽宋少府陟

戲贈鄭溧陽

贈僧崖公

遊溧陽北湖亭望瓦屋山懷古贈同旅

贈秋浦柳少府

宿清溪主人

贈王判官時余歸隱居廬山屏風疊

在水軍宴贈幕府諸侍御

贈武十七諤

贈張相鎬二首

贈閻邱宿松

獄中上崔相渙

繫尋陽上崔相渙二首

贈劉都使

贈常侍御

贈易秀才

經亂離後天恩流夜郎憶舊遊書懷贈

江夏韋太守良宰

江夏使君叔席上贈史郎中

流夜郎半道承恩放還兼欣剋復之美書懷示息秀才

十八家詩鈔卷四目錄

十八家詩鈔卷四

湘鄉曾國藩纂

合肥李鴻章審訂

東湖王定安校

李太白五古上二百九首

古風五十九首

大雅久不作吾衰竟誰陳王風委蔓草戰國多荆榛龍虎相啖食兵戈逮狂秦正

聲何微芒哀怨起騷人揚馬激頽波開流蕩無垠廢興雖萬變憲章亦已淪自從

建。安。來。綺。麗。不。足。珍。聖代復元古垂衣貴清真羣才屬休明乘運共躍鱗文

質相炳煥衆星羅秋旻我志在刪述重一作垂輝映千春希聖如有立絕筆於獲麟

蟾蜍薄太清蝕此瑤臺月圓光虧中天金魄遂淪沒蟬竦入紫微大明夷朝暉浮

雲隔兩耀萬象昏陰霏蕭蕭長門宮昔是今已非桂蠹花不實天霜下嚴威沈歎

終永夕感我涕沾衣蟾蜍句暗指楊妃蟬竦句指祿山陷京師兩耀謂元宗在蜀肅宗在靈武

秦皇埽六合虎視何雄哉揮劍決浮雲諸侯盡西來明斷自天啓一作發英斷大略

十八家詩鈔

卷四

五古

李白

駕羣才收兵鑄金人函谷正東開銘功會稽嶺騁望瑯邪臺刑徒七十萬起土驪
山隈尙採不死藥茫然使心一作人哀連弩射海魚長鯨正崔嵬頰鼻象五嶽揚波
噴雲雷鬢鬣蔽青天何由覩蓬萊徐市載秦女樓船幾時回但見三泉下金棺葬
寒灰。

鳳飛九千仞五章備綵珍銜書且虛歸空入周與秦橫絕歷四海所居未得鄰吾
營紫河車千載落風塵藥物祕海嶽採鉛青谿濱時登大樓山舉首望仙眞羽駕
滅去影飈車絕回輪尙恐丹液遲志願不及申徒霜鏡中髮羞彼鶴上人桃李何
處開此花非我春唯應清都境長與韓衆親

太白何蒼蒼星辰上森列去天三百里邈爾與世絕中有綠髮翁披雲一作千春臥松
雪不笑亦不語冥棲在巖穴我來逢眞人長跪問寶訣粲然忽自哂一作玉齒授以
鍊藥說銘骨傳其語竦身已電滅仰望不可及蒼然五情熱吾將營丹砂永與世
人別

代馬不思越越禽不戀燕情性有所習土風固其然昔別鴈門關今成龍庭前驚

沙亂海日飛雪迷胡天蠛蠓生虎鷄上林賦蒙鷄蘇綉白虎蓋畫鷄蘇以爲冠畫

於上也心魂逐旌旆苦戰功不賞忠誠難可宣誰憐李飛將白首沒三邊

客有鶴上仙飛飛凌太清揚言碧雲裏自道安期名兩兩白玉童雙吹紫鸞笙去

影忽不見回風送天聲舉首遠望之一一作我欲飄然若流星願餐金光草壽與天

齊傾一作鸞笙飄然下倒景倏忽無留行遺我金光草服之四體輕將隨赤松去對

博坐蓬瀛

咸陽二三月宮柳黃金枝綠幘誰家子賣珠輕薄兒日暮醉酒歸白馬驕且馳意

氣人所仰治遊方及時子雲不曉事晚獻長楊辭賦達身已老草玄鬢若絲投閣

良可嘆但爲此輩嗤

莊周夢蝴蝶蝴蝶爲莊周一體更變易萬事良悠悠乃一作那知蓬萊水復作清淺

流青門種瓜舊日東陵侯富貴固荷如此營營何所求

齊有倜儻生魯連特高妙明月出海底一朝開光曜卻秦振英聲後世仰末照意
輕千金贈顧向平原笑吾亦澹蕩人拂衣可同調

黃河走東溟白日落西海逝川與流光飄忽不相待春容捨我去秋髮已衰改人
生非寒松年貌一作顏色豈長在吾當乘雲螭吸景駐光彩一作誰能學天飛三秀與君採

松柏本孤直難爲桃李顏昭昭嚴子陵垂釣滄波間身將客星隱心與浮雲閑長

揖萬乘君還歸富春山清風灑六合邈然不可攀使我長歎息冥棲巖石間

君平既棄世世亦棄君平觀變窮太易探元化羣生寂寞綴道論一作真道空簾閉幽

情一作清騶虞不虛一作復來鸞鷲有時鳴安知天漢上白日懸高名海客去已久誰

人一作能測沈冥君平騶虞鷲皆太白以自比

胡關饒風沙蕭索一作颯竟終古木落秋草黃登高望戎虜荒城空大漠邊邑無遺

堵白骨橫千霜嵯峨蔽榛莽借問誰陵虐天驕毒威武赫怒我聖皇勞師事鼙鼓

陽和變殺氣發卒騷中土三十六萬人哀哀淚如雨且悲就行役安得營農圃不

見征戍兒豈知關山苦

一本此下添爭鋒徒死節乘鉞皆庸豎戰士塗蒿萊將軍獲圭組四句

李牧今不在一作霍今不

在邊人飼豺虎

燕昭延郭隗遂築黃金臺劇辛方趙至一作往鄒衍復齊來柰何青雲士棄我如塵

埃珠玉買歌笑糟糠養賢才方知黃鶴舉千里獨徘徊

寶劍雙蛟龍雪花照芙蓉精光射天地雷騰不可衝一去別金匣飛沈失相從風

胡滅已久所以潛其鋒吳水深萬丈楚山邈千重雌雄終不隔神物會相逢

金華牧羊兒乃是紫煙客我願從之遊未去髮已白不知繁華一作朱顏子擾擾何所

迫崑山採瓊蕊一作蕤可以鍊精魄

天津三月時千門桃與李朝爲斷腸花暮逐東流水前水復一作非後水古今相續

流新一作今人非舊人年年橋上遊鷄鳴海色動謁帝羅公侯月落西上陽一作上陽

餘輝半城樓衣冠照雲日朝下散皇州鞍馬如飛龍黃金絡馬頭行人皆辟易志

氣橫嵩邱入門上高堂列鼎錯珍羞香風引趙舞清管隨齊謳七十紫鴛鴦雙雙

戲庭幽行樂爭晝夜自言度千秋功成身不退自古多愆尤黃犬空歎息綠珠成
釁。讐。何如鴟夷子散髮棹一作弄扁舟

西上一作嶽

蓮花山迢迢見明星素手把芙蓉虛步躡太清霓裳曳廣帶飄拂昇天

行邀我登雲臺高揖衛叔卿恍恍與之去駕鴻凌紫冥俯視洛陽川茫茫走胡兵
流血塗野草豺狼盡冠纓

昔我遊齊都登華不注峯茲山何峻秀綠翠如芙蓉蕭颯古仙人了知是赤松借
予一白鹿自挾兩青龍含笑凌倒景欣然願相從泣與親友別欲語再三咽勗君
青松心努力保霜雪世路多險艱白日欺紅顏分首各千里去去何時還在世復
幾時倏如飄風度空聞紫金經白首愁相誤撫已忽自笑沈吟爲誰故名利徒煎
熬安得閒余步終留赤玉鳥東上蓬山一作萊路秦帝如我求蒼蒼但煙霧此首亦
志在學

仙

郢客吟白雪遺響飛青天徒勞歌此曲舉世誰爲傳試爲巴人唱和者乃數千吞

聲何足道歎息空淒然此首言曲
高和寡

秦水別隴首幽咽多悲聲胡馬顧朔雪躑躅長嘶鳴感物動我心緬然含歸情昔

視秋蛾飛今見春蠶生嫋嫋桑枯一作結葉萋萋柳垂榮急節謝流水羈心搖懸旌

揮涕且復去惻愴何時平此首有倦遊
落葉糞根之意歸

秋露白如玉團團下庭綠我行忽見之寒早悲歲促生猶鳥過目胡乃自結束景

公一何愚牛山淚相續物苦不知足登一作得隴又望蜀人心若波瀾世路有一作多

屈曲三萬六千日夜夜當秉燭此首悲年
光之迅駛

大車揚飛塵亭午暗阡陌中貴多黃金連雲開甲宅路逢鬪雞者冠蓋何輝赫鼻
息干虹蜺行人皆怵惕世無洗耳翁誰知堯與跖

世路日交喪澆風散淳源不采芳桂枝反棲惡木根所以姚李樹吐花竟不言大
運有興沒羣動爭飛奔歸來廣成子去入無窮門

碧荷生幽泉朝日豔且鮮秋花冒綠水密葉羅青煙秀色空絕世馨香誰爲傳坐

看飛霜滿凋此紅芳年結根未得所願託華池邊

燕趙有秀色綺樓青雲端眉目豔皎月一笑傾城歡常恐碧草晚坐泣秋風寒纖

手怨玉琴清晨起長歎焉得偶君子共乘雙飛鸞美女求偶皆喻賢才求主不獨此首為然亦不獨公詩為然

容顏若飛電時景如飄風草綠霜已白日西月復東華鬢不耐秋颯然成衰蓬古

來聖賢人一一誰成功君子變猿鶴小人為沙蟲不及廣成子乘雲駕輕鴻此首亦傷

時光之易逝

三季分戰國七雄成亂麻王風何怨怒世道終紛拏至人洞元象高舉凌紫霞仲

尼亦一作浮海吾祖之流沙聖賢共淪沒臨歧胡咄嗟此首亦欲高舉出世

玄風變太古道喪無時還擾擾季葉一作市井人雞鳴趨四關但識金馬門誰一作知

蓬萊山白首死羅綺笑歌無休一作閒綠酒晒丹液青娥凋素顏一作蕪蕪素顏一作金

大儒揮金槌琢之一作發一作冢一作詩禮閒蒼蒼三珠樹冥日焉能攀大儒二句用莊子儒以詩禮發冢事

鄭客西入關行行未能已白馬華山君相逢平原里壁遺鎬池君明年祖龍死秦

人相謂曰吾屬可去矣一往桃花源千春隔流水

蓐收肅金氣西陸弦海月秋蟬號階軒感物憂不歇良辰竟何許大運有淪忽天

寒悲風生夜久衆星沒惻惻不忍言哀歌達明發此首亦感時節之早謝

北溟有巨魚身長數千里仰噴三山雪橫吞百川水憑凌隨海運烜赫因風起吾

觀摩天飛九萬方未已此首自況即賦大鵬之意也

羽檄如流星虎符合專城喧呼救邊急羣鳥皆夜鳴白日曜紫微三公運權衡天

地皆得一澹然四海清借問此何為答言楚徵兵一作征渡瀘及五月將赴雲南

征怯卒非戰士炎方難遠行長號別嚴親日月慘光晶泣盡繼以血心摧兩無聲

困獸當猛虎窮魚餌奔鯨干去不一回投軀豈全生如何舞干戚一使有苗平此首

似調天寶末徵兵討閣羅鳳即白太傅新豐折臂翁之詩意

醜女來效顰還家驚四鄰壽陵失本步笑殺邯鄲人一曲一作東西斐然子雕蟲喪天

真棘刺造沐猴三年費精神功成無所用楚楚且華一作榮身大雅思文王頌聲久

崩淪安得郢中質一揮成風斤

一作承風一運斤○此首刺當時女士之以雕飾奪天真者即第一首綺麗不足珍之意

抱玉入楚國見疑古所聞良寶終見棄徒勞三獻君直木忌先伐芳蘭哀自焚盈

滿天所損沈冥道為羣東海汎碧水流一作西關乘紫雲魯連及柱史可以躡清芬

此首戒懷材者不宜自炫宜以老子魯連為法

燕臣昔慟哭五月飛秋霜庶女號蒼天震風擊齊堂精誠有所感造化為悲傷一本

此下添而我竟何辜遠身金殿旁

浮雲蔽紫闥白日難回光羣沙穢明珠衆草凌孤芳古來共歎

息流淚空沾裳

前六句言積誠可以回天後六句言衆口可以鑠金理有定而事無定反覆感歎

孤蘭生幽園衆草共蕪沒雖照陽春暉復悲高秋月飛霜早淅瀝綠豔恐休歇若

無清風吹香氣為誰發

此首喻賢才處幽谷須有汲引之者

登高望四海天地何漫漫霜被羣物秋風飄大荒寒榮華東流水萬事皆波瀾白

日掩徂暉浮雲無定端梧桐巢鸞雀枳棘棲鴛鴦且復歸去來劍歌行一作路難

一本自第四句後云殺氣落喬木浮雲蔽層巒孤鳳鳴天霓遺聲何辛酸遊人悲舊國撫心亦盤桓倚劍歌所思曲終涕泗瀾○此首言萬事反覆波瀾千變

鳳飢不啄粟所食惟琅玕焉能與羣雞蹙一作促爭一餐朝鳴崑邱樹夕飲砥柱

湍歸飛海路遠獨宿天霜寒幸遇王子晉結交青雲端懷恩未得報感別空長歎

此首亦自況之詞

朝弄紫泥海一作朝駕碧鸞車

夕披丹霞裳揮手折若木拂此西日光雲臥一作遊八極

玉顏已干霜飄飄入無倪稽首祈上皇呼我游太素玉杯賜瓊漿一餐歷萬歲何

用還故鄉永隨長風去天外恣飄揚此首即風子遠遊之意

搖裔雙白鷗鳴飛滄江流宜與海人狎豈伊雲鶴儔寄影宿沙月沿芳戲春洲吾

亦洗心者忘機從爾遊

周穆八荒意漢皇萬乘尊淫樂心不極雄豪安足論西海宴王母北宮邀上元瑤

水聞遺歌玉杯竟空言靈迹成蔓草徒悲千載魂此即郭景純所譏燕昭無靈氣漢武非仙才之意

綠蘿紛葳蕤繚繞松柏枝草木有所託歲寒尚不移奈何天桃色坐歎葑菲詩玉

顏豔紅彩雲髮非素絲君子恩已畢賤妾將何為此歎華士不能久榮

八荒馳驚颺萬物盡凋落浮雲蔽頽陽洪波振大壑龍鳳脫網罟飄飄將安託去
去乘白駒空山詠場藿世亦自況之詩

一百四十年國容何赫然隱隱五鳳樓峨峨橫三川王侯象星月賓客如雲煙本
首六句云帝京信佳麗國容何赫然劍戟擁 裏蹴踔瑤臺邊走一馬

舉動搖白日指揮回青天當塗何翕忽失路長棄捐獨有揚執戟閉關草太
玄此歎承平時權門之盛今已衰歇

桃花開東園含笑誇白日偶蒙春風榮生一作此豔陽質豈無佳人色但恐花不
實宛轉龍火飛零落早相失詎知南山松獨立自蕭瑟末二句自況即陶公凝霜

秦皇按寶劍赫怒振威神逐日巡海右驅石駕滄津徵卒空九寓作橋傷萬人但
求蓬島藥豈思農廩春力盡功不贍千載為悲辛

美人出南國灼灼芙蓉姿皓齒終不發芳心空自持由來紫宮女共妬青蛾眉歸
去瀟湘沚沈吟何足悲

宋國梧臺東野人得燕石一作宋人枉千誇作天下珍卻哂趙王璧趙璧無緇磷
燕石非貞真流俗多錯誤豈知玉與珉

殷后亂天紀楚懷亦已昏夷羊滿中野綠蔬盈高門比干諫而死屈平竄湘源虎
口何婉變女嬃空嬋娟彭咸久淪沒此意與誰論

青春流驚湍朱明一作驟回薄不忍看秋蓬飄揚竟何託光風滅蘭蕙白露灑葵
藿一作委美人不我期草木日零落此首亦歲不

戰國何紛紛兵戈亂浮雲趙倚兩虎鬪晉為六卿分姦臣欲竊位樹黨自相羣果
然田成子一旦弑齊君

倚劍登高臺悠悠送春日蒼榛蔽層邱瓊草隱深谷鳳凰鳴西海欲集無珍木鸞
斯得匹一作居一作蒿下盈萬族晉風日已頽窮途方慟哭一本首四句以下云

齊瑟彈一作東吟秦絃弄西音慷慨動顏魄使人成荒淫彼女佞邪子婉變來相
珍木羣花亦便娟榮耀非一

尋一笑雙白璧再歌千黃金珍色不貴道詎惜飛光沈安識紫霞客瑤臺鳴玉一作

越客探明珠提攜出南隅清輝照海月美價傾鴻一作皇都獻君君按劍懷寶空長吁魚目復相晒寸心增煩紆

羽族稟萬化小大各有依啁啾亦何辜六翮掩不揮願銜衆禽翼一向黃河飛飛者莫我顧歎息將安歸

我行巫山渚尋古登陽臺天空綵雲滅地遠清風來神女去已久襄王安在哉荒淫竟淪沒樵牧徒悲哀

惻惻泣路歧哀哀悲素絲路歧有南北素絲易一作有變移一本下添萬事固如此交賓客互盈虧世塗多翻覆一作谷風刺輕薄交道方嶮巖斗酒強然諾寸心終自疑

張陳竟火滅蕭朱亦星離衆鳥集榮柯窮魚守空一作枯池嗟嗟失懽客勤問何所規一作悲又作窺○此首即翟公署門一之意老杜貧交行亦同此概

俠客行雜曲辭

趙客縵胡纓吳鉤霜雪明銀鞍照白馬颯沓如流星十步殺一人千里不留行事了拂衣去深藏身與名閒過信陵飲脫劍膝前一作上橫將炙啖朱亥持觴勸侯嬴三杯吐然諾五嶽倒爲輕眼花耳熱後意氣素霓生救趙揮金槌邯鄲先震驚千秋二壯士烜赫大梁城縱死俠骨香不慚世上英雄誰能書閣下白首太玄經

關山月橫吹曲辭○樂府解題曰關山月傷離

明月出天山蒼茫雲海間長風幾萬里吹度玉門關漢下白登道胡窺青海灣由來征戰地不見有人還戍客望邊色一作邑思歸多苦顏高樓當此夜歎息未應閒

一作還

結客少年場行雜曲辭○曹植結客篇曰結客少年場報怨立功名也

紫鸞黃金瞳啾啾一作稜搖綠鬢平明相馳逐結客洛門東少年學劍術凌轢白猿公珠袍曳錦帶七首插吳鴻由來萬夫勇挾此英雄風託交從劇孟買醉入新豐

笑盡一杯酒殺人都市中羞道易水寒從一作今日貫虹燕丹事不立虛沒秦帝

宮武陽死灰人安可與成功

長干行二首雜曲 辭

妾髮初覆額折花門前劇郎騎竹馬來遶牀弄青梅同居長千里兩小無嫌猜十

四為君婦羞顏未嘗開低頭向暗壁千喚不一回十五始展眉願同塵與灰常存

抱柱信豈一作上望夫臺十六君遠行瞿塘灘瀕堆五月不可觸猿聲天上哀門

前遲一作行跡一一生綠一作蒼蒼深不能掃落葉秋風早八月蝴蝶來一作雙

飛西園草感此傷妾心坐愁紅顏老早晚上三巴預將書報家相迎不道遠直至

長風沙

憶妾一作深閨裏烟塵不曾識嫁與長干人沙頭候風色五月南風興思君下巴

陵八月西風起想君發揚子去來悲如何見少別離多湘潭幾日到妾夢越風波

昨夜狂風度吹折江頭樹森森暗無邊行人在何處北客至一作王公朱衣滿汀

一作中一作日暮來投宿數朝不肯東自憐十五餘顏色桃李紅那作

商人婦愁水復愁風

古朗月行雜曲 辭

小時不識月呼作白玉盤又疑瑤臺鏡飛在青雲端仙人垂兩足桂樹作一作團

團白兔擣藥成問言誰與餐蟾蜍蝕圓影天一作明夜已殘羿昔落九烏天人清

且安陰精此淪惑去去不足觀憂來其如何惻愴摧心肝蟾蝕似亦諷諷諷諷蔽明等

意

上之回鼓吹曲辭 漢武帝元封四年冬十月行幸雍祠五時通回

三十六離宮樓臺與天通閣道步行月美人愁煙空恩疏寵不及桃李傷春風淫

樂意何極金輿向回中萬乘出黃道千旗揚彩虹前軍細柳北後騎甘泉東豈問

渭川老寧邀襄野童但慕一作瑤池宴歸來樂未窮渭川老文王訪賢也襄野童

遊也末四句似有所諷

獨不見

雜曲歌辭○郭集錄者七家樂府
解題曰獨不見傷思而不得見也

白馬誰家子黃龍邊塞兒天山三丈雪豈是遠行時春蕙忽秋草莎雞鳴曲池風
催寒梭響月入霜閨悲憶與君別年種桃齊蛾眉桃今百餘尺花落成枯枝終然
獨不見流淚空自知

妾薄命

雜曲歌辭○郭集錄者十七家

漢帝重寵

一作寵

阿嬌貯之黃金屋咳唾落九天隨風生珠玉寵極愛還歇妒深情卻

疏長門一步地不肯暫回車雨落不上天水覆重難收

一作難收

君情一作恩與妾意

各自東西流昔日芙蓉花今成斷根草

一作素秋草

以色事他人能得幾時好

幽州胡馬客歌

橫吹曲辭

幽州胡馬客綠眼虎皮冠笑拂兩隻劍萬人不可干彎弓若轉月白雁落雲端雙
雙掉鞭行遊獵向樓蘭出門不顧後報國死何難天驕五單于狼戾好兇殘牛馬
散北海割鮮若虎餐雖居燕支山不道朔雪寒婦女馬上笑顏如赭玉盤翻飛射

鳥獸花月醉雕鞍旄頭四光芒爭戰如蜂攢白刃灑赤血流沙爲之丹名將古誰
是疲兵良可歎何時天狼滅父子得閒安

門有車馬客行

相和歌辭○郭集錄者六家古今樂府解題曰王僧虔技錄云門有車馬客行歌東阿王置酒一篇樂府解題曰曹植等門有

車馬客行皆言問訊其客或得故舊鄉里或駕自京師備敘市朝遷謝親友彫喪之意也曹植又有門有萬里客亦與此同國藩按此題皆言問訊其客備敘市朝遷變親友彫喪之意

門有車馬賓

一作客

金鞍曜朱輪謂從丹

一作雲

霄落乃是故鄉親呼兒埽中堂坐客

論悲辛對酒兩不飲停觴淚盈巾歎我萬里遊飄飄三十春空談霸王略紫綬不
掛身雄劍藏玉匣陰符生素塵廓落無所合流離湘水濱借問宗黨閒多爲泉下
人生苦百戰役死託萬鬼鄰北風揚胡沙埋翳周與秦大運且如此蒼穹寧匪仁
惻愴竟何道存亡任大鈞

北風二句言兩京俱陷借古題以傷時事

君子有所思行

雜曲歌辭○郭集錄者六家樂府解題曰君子有所思行其旨言彫室麗色不足爲久懼宴安酖毒滿盈所宜敬息與君

子行異也

紫閣連終南青冥天倪色憑崖望咸陽宮闕羅北極萬井驚畫出九衢如絃直渭水銀河清橫天流不息朝野盛文物衣冠何翕絕廐馬散連山軍容威絕域伊皋運元化衛霍輸筋力歌鐘樂未休榮去老還逼圓光過滿缺太陽移中昃不散東海金何爭西輝匿無作牛山悲惻愴淚沾臆

東海有勇婦 代關中有貞女勇又作賢女太自作此代之

梁山感杞妻慟哭為之傾金石忽暫開都由激深情東海有勇婦何慚蘇子卿學劍越處子超騰若流星捐軀報夫讎萬死不顧生白刃曜素雪蒼天感精誠十步兩躩一作躍三呼一交兵斬首掉國門蹴踏五藏行豁此伉儷憤粲然大義明北海李使君飛章奏天庭捨罪警風俗流芳播滄瀛志在列女籍竹帛已光榮淳于免詔獄漢主為緹縈津妾一棹歌脫父於嚴刑十子若不肖不如一女英豫讓斬空衣有心竟無成要離殺慶忌壯夫素所輕妻子亦何辜焚之買虛聲豈如東海婦事立獨揚名

黃葛篇 新樂府辭

黃葛生洛谿黃花自緜冪青煙蔓長條繚繞幾百尺閨人費素手採緝作絺綌縫為絕國衣遠寄日南客蒼梧大火落暑服莫輕擲此物雖過時是妾手中跡

白馬篇 雜曲歌辭○郭集錄者十家按白馬篇言人當立功立事盡力為國不可念私也鮑照沈約之作則言邊塞征戰之事

龍馬花雪毛金鞍五陵豪秋霜切玉劍落日明珠袍鬪雞事萬乘軒蓋一何高弓摧南山虎手接太行猱酒後競風彩三杯弄寶刀殺人如翦草劇孟同遊遨發憤去函谷從軍向臨洮叱咤經百戰一作萬匈奴盡波濤一作歸來使酒氣未肯拜一作蕭曹羞入原憲室荒徑隱蓬蒿

怨歌行 歌行○長安見內人出嫁令子代為怨相和歌辭郭集錄者七家

十五入漢宮花顏笑一作春紅君王選玉色侍寢金一作屏中薦枕嬌夕月卷衣

戀春香一作風寧知趙飛燕奪寵恨無窮沈憂能傷人綠鬢成霜蓬一朝不得意世事徒一作為空鸚鵡換美酒舞衣罷雕龍寒苦不忍言為君奏絲桐腸斷絃亦絕

事徒一作為空鸚鵡換美酒舞衣罷雕龍寒苦不忍言為君奏絲桐腸斷絃亦絕

悲心夜忡忡

塞下曲六首

新樂府辭○郭集錄者二十家

五月天山雪無花祇有寒笛中聞折柳春色未曾看曉戰隨金鼓宵眠抱玉鞍願將腰下劍直為斬樓蘭

天兵下北荒胡馬欲南飲橫戈從百戰直為銜恩甚握雪海上餐拂沙隴頭寢何當破月氏然後方高枕

駿馬如風颺鳴鞭出渭橋彎弓辭漢月插羽破天驕陣解星芒盡營空海霧銷功成畫麟閣獨有霍嫖姚

白馬黃金塞雲砂繞夢思那堪愁苦節遠憶邊城兒螢飛秋窗滿月度霜閨遲摧殘梧桐葉蕭颯沙棠枝無時獨不見淚流空自知

塞虜乘秋下天兵出漢家將軍分虎竹戰士臥龍沙邊月隨弓影胡霜拂劍花玉關殊未入少婦莫長嗟

烽火動沙漠連照甘泉雲漢皇按劍起還召李將軍兵一作殺氣天上合鼓聲隴底聞橫行負勇氣一戰淨妖氛

塞上曲三首

新樂府辭○郭集錄者九家

大漢無中策匈奴犯渭橋五原秋草綠胡馬一何驕

命將征西極橫行陰山側燕支落漢家婦女無華色

轉戰渡黃河休兵樂事多蕭條清萬里瀚海寂無波

玉階怨

相和歌辭○郭集錄者三家

玉階生白露夜久侵羅襪卻下水精簾玲瓏望秋月

襄陽曲四首

雜歌辭

襄陽行樂處歌舞白銅鞮江城回綠水花月使人迷

山公醉酒時酩酊襄一作高陽下頭上白接籬倒著還騎馬

峴山臨漢江水綠沙如雪一作水色如霜雪上有墮淚碑青苔久磨滅

且醉習家池莫看墮淚碑山公欲上馬笑殺襄陽兒

大堤曲 清商曲辭○郭集選者四家

漢水臨一作橫襄陽花開大堤暖佳期大堤下淚向南雲滿春風復無情吹我夢魂散不見眼中人天長音信斷

宮中行樂詞八首 奉詔作○近代曲辭

小小生金屋盈盈在紫微山花插寶髻石竹繡羅衣每出深宮裏常隨步輦歸只愁歌舞散一作罷化作綵雲飛

柳色黃金嫩梨花白雪香玉樓巢一作關翡翠珠殿鎖鴛鴦一作朝選妓隨雕一作輦徵歌

出洞房宮中誰第一飛鸞在昭陽

盧橘為秦樹蒲萄出一作是漢宮煙花宜落日絲管醉春風笛奏龍鳴一作吟水簫吟

一作鳴鳳下空君王多樂事何我向一作在回中一作還與萬方同

玉樹一作殿春歸日一作好金宮樂事多後庭朝未入輕輦夜相過笑出花閒語嬌來

燭下歌莫教明月去留著醉姮娥

繡戶香風暖沙窗曙色新宮花爭笑日池草暗生春綠樹聞歌鳥青樓見舞人昭

陽桃李月羅綺自一作坐相親

今日明光裏還須結伴游春風開紫殿天樂下珠樓豔舞全知巧嬌歌半欲羞更

憐花月夜宮女笑藏鉤

寒雪梅中盡春風柳上歸宮鶯嬌欲醉檐鸞語還飛遲日明歌席新花豔舞衣晚

來移綵仗行樂泥光輝

水綠南薰殿花紅北闕樓鶯歌聞太液鳳吹遶瀛洲素女鳴珠佩天人弄綵毬今

朝風日好宜入未央遊

鼓吹入朝曲 鼓吹曲辭

金陵控海浦綠水帶吳京鏡歌列騎吹颯沓引公卿搥鐘速嚴妝伐鼓啓重城天子憑玉案劍履若雲行日出照萬戶簪裾爛明星朝罷沐浴閑遨遊闈風亭濟濟

雙闕下歡娛樂恩榮

秦女休行

古詞魏朝協律都尉左延年所作今擬之○雜曲歌辭按左延年辭言秦女休為燕王婦為宗報讎殺人都市遇赦得免傳玄言

西門秦氏女秀色如瓊花手揮白楊刀清晝殺讎家羅袖灑赤血英聲凌紫霞直

上西山去關吏相邀遮堦為燕國王身被詔獄加犯刑若履虎不畏落爪牙素頸

未及斷摧眉伏泥沙金雞忽放赦大辟得寬賒何慙聶政姊萬古共驚嗟

秦女卷衣

雜曲歌辭○樂府解題曰秦王卷衣以贈所懼也唐李白有秦女卷衣

天子居未央妾來卷衣裳顧無紫宮寵敢拂黃金牀水至亦不去熊來尙可當微身捧日月飄若螢火光願君採葑菲無以下體妨

東武吟

一作出東門後書懷留別翰林諸公○相和歌辭郭集錄者四家按東武吟傷時移事異榮華徂謝也

好古笑流俗素聞賢達風方希佐明主長揖辭成功白日在高天回光燭微躬恭承鳳凰詔欵起雲蘿中清切紫霄迴優遊丹禁通君王賜顏色聲價凌煙虹乘輿

擁翠蓋扈從金城東寶馬麗絕景錦衣入新豐倚巖望松雪對酒鳴絲桐因學揚

子雲獻賦甘泉宮天書美片善清芬播無窮歸來入咸陽談笑皆王公一朝去金

馬飄落成飛蓬賓友日疏散玉樽亦已空才力獨可倚一作恃不慚世上雄閑作東

武吟曲盡情未終書此謝知己吾尋黃綺翁一作扁舟尋釣翁

邯鄲才人嫁為廝養卒婦

雜曲歌辭郭集錄者二家

妾本叢臺女揚娥入丹闕自倚顏如花寧知有凋歇一辭玉階下去若朝雲沒每

憶邯鄲城深宮夢秋月君王不可見惆悵至明發

出自薊北門行

雜曲歌辭郭集錄者四家○樂府解題曰出自薊北門行其大致與從軍行同而兼言燕薊風物及突騎勇悍之狀

虜陣橫北荒胡星曜精芒羽書速驚電烽火晝連光虎竹救邊急戎車森已行明主不安席按劍心飛揚推轂出猛將連旗登戰場兵威衝絕漠殺氣凌穹蒼列卒

赤山下開營紫塞傍孟冬風沙緊旌旗一作旆颯凋傷畫角悲海月征衣卷天

霜揮刃斬樓蘭彎弓射賢王單于一平蕩種落自奔亡收功報天子行歌一作舞歸

咸陽

洛陽陌 橫吹曲辭

白玉誰家郎回車渡天津看花東陌上驚動洛陽人

北上行 相和歌辭○樂府解題曰魏武帝苦寒行備言冰雪

北上何所苦北上緣太行磴道盤且峻巉巖凌穹蒼馬足蹶側石車輪摧高岡沙塵接幽州烽火連朔方殺氣毒劍戟嚴風裂衣裳奔鯨夾黃河鑿齒屯洛陽前行無歸日返顧思舊鄉慘戚冰雪裏悲號絕中腸尺布不掩體皮膚劇枯桑汲水澗谷阻採薪壠坂長猛虎又掉尾磨牙皓秋霜草木不可餐飢飲零露漿歎此北上苦停驂爲之傷何日王道平開顏覩天光

短歌行 相和歌辭郭集錄者十七家○魏武帝短歌行有

白日何短短百年苦易滿蒼穹浩茫茫萬劫太極長麻姑垂兩鬢一半已成霜天公見玉女大笑億千場吾欲攬六龍回車挂扶桑北斗酌美酒勸龍各一觴富貴

非所願爲一作人駐頽一作流光

空城雀 雜曲辭郭集錄者六家○按空城雀自

嗷嗷空城雀身計何戚促本與鷓鴣羣不隨鳳凰族提攜四黃口飲乳未嘗足食君糠粃餘常恐烏鳶逐恥涉太行險羞營覆車粟天命有定端守分絕所欲

發白馬 雜曲辭郭集錄者二家○郭云衛國曹邑有白馬車

將軍發白馬旌節渡黃河。簫鼓聒川嶽滄溟湧濤一作波。武安有震瓦易水無寒

歌鐵騎若雪山飲流涸滹沱揚兵獵月窟轉戰略朝那倚劍登燕然邊烽列嵯峨

蕭條萬里外耕作五原多一掃清大漠包虎戢金戈

陌上桑 相和歌辭郭集錄者十家○郭注曰東隅羅敷行古今樂錄曰陌

桑者出秦氏女子秦氏邯鄲人有女名羅敷爲邑人千乘王仁妻王仁後爲趙王家令羅敷出採桑於陌上趙王登臺見而悅之因置酒欲奪焉羅敷巧彈箏乃作陌上桑之歌以自明趙王乃止樂府解題曰古辭言羅敷敷巧爲君所邀盛誇其夫爲侍中郎以拒之與前說不同若陸機扶桑探桑爲使君所邀盛誇其夫爲侍中郎以拒之與前說不同若陸機扶桑同而末異又有採桑曲亦出於此

美女渭橋東一作美女細綺春還還來事蠶作五馬飛如花一作如飛龍青絲結

金絡不知誰家子調笑來相謔妾本秦羅敷玉顏豔名都綠條映素手採桑向城

隅使君且不顧况復論秋胡寒蠶愛碧草鳴鳳棲青梧託心自有處但怪旁人愚

徒令白日暮高駕空踟躕

枯魚過河泣雜曲辭郭集錄古辭一首皆以慎出入為誠

白龍常改服偶被豫且制誰使爾為魚徒勞訴天帝作書報鯨鯢勿恃風濤勢濤

落歸泥沙翻遭螻蟻噬萬乘慎出入柏人以為誠漢高祖過趙事

丁都護一作護歌清商曲辭郭集錄者三家一曰阿督護宋高祖使府內直

督護丁歎息曰丁督護其聲哀切後人因其聲廣其曲焉唐書樂志曰事

每問輒歎息曰丁督護其聲哀切後人因其聲廣其曲焉唐書樂志曰事

雲陽上征去兩岸饒商賈吳牛喘月時拖船一何苦水濁不可飲壺漿半成土一

唱都護歌心摧淚如雨萬人繫盤石無由達江滸君看石芒碭掩淚悲千古

相逢行二首曰長安有贈○相和歌辭郭集錄者六家一曰相逢狹路同晉陸機

長安狹斜行云伊洛有歧路歧路交朱輪則言世路險狹邪

朝騎五花馬謁帝出銀臺秀色誰家子雲車一作珠箔開金鞭遙指點玉勒近遲

回來轂相借問疑一作從天上來一本更添憐憫邀入青綺門當

歌共銜杯一作嬌羞初解銜杯映歌扇似月雲中見相見不得一作親不如不相

見相見情已深未語可知心胡為守空閨孤眠愁錦衾與羅帷纏絲會有時

春風正澹蕩暮雨來何遲一作春風正糾願因三青鳥更報長相思光景不待人

須臾髮成絲當年失行樂老去徒傷悲持此道密意無令曠佳期

相逢紅塵內高揖黃金鞭萬戶垂楊裏君家阿那邊

千里思一作郭集錄者三家

李陵沒胡沙蘇武還漢家迢迢五原關朔雪亂邊花一作愁見一去隔絕國思歸

但長嗟鴻雁向西北因一作書報天涯

樹中草 雜曲辭郭集錄者三家

鳥銜野田草誤入枯桑裏客土植危根逢春猶不死草木雖無情因依尚可生。如何同枝葉各自有枯榮。

君馬黃 鼓吹曲辭郭集錄者三家

君馬黃我馬白馬色雖不同人心本無隔共作遊冶盤雙行洛陽陌長劍既照曜高冠何翹赫各有千金裘俱為五侯客猛虎落陷穿壯夫時屈厄相知在急難。獨好亦一作何益。

擬古

融融白玉輝映我青蛾眉寶鏡似空水落花如風吹出門望帝子蕩漾不可期安得黃鶴羽一報佳人知

折楊柳

橫吹曲辭郭集錄者二十三家○唐書樂志曰梁樂府有此歌辭胡吹歌云上馬不捉鞭反拗楊柳枝下馬吹橫笛愁殺行客兒此歌辭元出北國即鼓角橫吹曲折楊柳是也宋書五行志曰晉太康末京洛為折楊柳之歌其曲有兵革苦辛之辭按古樂府又有小折楊柳相和大洛曲有折楊柳

柳行清商四曲有月節折楊柳歌十三曲與此不同

垂楊

一作楊柳

拂綠水搖豔

一作豔

東風年花明玉關雪葉暖金窗煙美人結長想對此

心悽然攀條折春色遠寄龍庭前

一作沙邊龍

鳳凰曲 清商曲辭

羸女吹玉簫吟弄天上春青鸞不獨去更有攜手人影滅彩雲斷遺聲落西秦

少年子

雜曲辭郭集錄者四家

青雲少年子挾彈章臺左鞍馬四邊開突如流星過金丸落飛鳥夜入瓊樓臥夷齊。是何人獨守西山餓。

紫騮馬

橫吹曲辭郭集錄者十四家○按郭集以紫騮馬為從軍久戍懷歸而作此詩末二句反之語愈沈痛

紫騮行

一作驕

且嘶雙翻碧玉蹏臨流不肯渡似惜錦障泥白雪關山城一作遠黃雲

海戍迷揮鞭萬里去安一作得念一作春閨

少年行

雜曲辭

擊筑飲美酒。劍歌易水湄。經過燕太子。結託并州兒。少年負壯氣。奮烈自有時。因聲魯句踐。爭情一作傳勿相欺。

豫章行 相和歌辭 郭集錄者九家 ○按豫章行 陸機謝靈運之作 言壽短景 馳容華不久 傳玄之 作言盡力於人 終以華落 見棄太 白此作則似

胡風吹代馬一作燕人北擁魯陽關。吳兵照海雪。西討何時還。半渡上遼津。黃雲

慘無顏。老母與子別。呼天野草閒。白馬一作鳥繞旌旗。悲鳴相追攀。白楊秋月苦。早

落豫章山。本為休明人。斬虜素不閑。豈惜戰鬪死。為君掃兇頑。精感石沒羽。豈云

憚險艱。樓船若鯨飛。波蕩落星灣。此曲不可奏。三軍鬢成班。

沐浴子雜曲 辭 郭集錄者二家

沐芳莫彈冠。浴蘭莫振衣。處世忌太潔。至人貴藏暉。滄浪有釣叟。吾與爾同歸。

高句驪雜曲 辭

金花折風帽。白馬小遲回。翩翩舞廣袖。似鳥海東來。

靜夜思新樂 府 辭

牀前看月光。疑是地上霜。舉頭望山月。低頭思故鄉。

淶水曲琴曲 辭

淶水明秋日。南湖採白蘋。荷花嬌欲語。愁殺蕩舟人。

鳳臺曲清商曲 辭 郭集錄者二家

嘗聞秦帝女。傳得鳳皇聲。是日逢仙子。當時別有情人。吹彩簫去。天借綠雲迎。心

一作在身不返空。餘弄玉名。

從軍行相和歌辭 郭集錄者十家 ○附七言一首

從軍玉門道。逐虜金微山。笛奏梅花曲。刀開明月環。鼓聲鳴海上。兵氣擁雲閒。願

斬單于首長。驅靜鐵關。

百戰沙場碎鐵衣。城南已合數重圍。突營射殺呼延將。獨領殘兵千騎歸。

秋思二首琴曲 辭

春陽如昨日碧樹鳴黃鸝蕪然蕙草暮颯爾涼風吹天秋木葉下月冷莎雞悲坐
愁羣芳歇白露凋華滋

闕氏黃葉落妾望白登臺海上月一作出碧雲斷單于一作蟬聲秋色來胡兵沙塞合漢使
玉關回征客無歸日空悲蕙草摧

春思

燕草如碧絲秦桑低綠枝當君懷歸日是妾斷腸時春風不相識何事入羅幃

子夜吳歌四首

清商曲辭

秦地羅敷女採桑綠水邊素手青條上紅妝白日鮮蠶飢妾欲去五馬莫留連

鏡湖三百里菡萏發荷花五月西施採人看隘若耶回舟不待月歸去越王家

長安一片月萬戶擣衣聲秋風吹不盡總是玉關情何日平胡虜良人罷遠征

明朝驛使發一夜絮征袍素手抽鍼冷那堪把剪刀裁縫寄遠道幾日到臨洮

對酒二首

相和歌辭郭集錄者八家○按魏武帝賦對酒其旨言王者德澤廣被政理民和萬物咸遂范雲以下則言但當及時為樂

松子棲金華安期入蓬海此人古之仙羽化竟何在浮生速流電倏忽變光彩天

地無凋換容顏有遷改對酒不肯飲含情欲誰待

勸君莫拒杯春風笑人來桃李如舊識傾花向我開流鶯啼碧樹明月窺金疊昨

來朱顏子今日白髮催棘生石虎殿鹿走姑蘇臺自古帝王宅城闕閉黃埃君若

不飲酒昔人安在哉

估客樂

清商曲辭

海客乘天風將船遠行役譬如雲中鳥一去無蹤跡

去婦詞

古來有棄婦棄婦有歸處今日妾辭君辭君遣何去本家零落盡慟哭來時路憶

昔未嫁君聞君卻周旋綺羅錦繡段有贈黃金千十五許嫁君二十移所天自從

按自從二字疑衍通首皆五言不應著此一七字句結髮日未幾離君緬山川家家盡歡喜孤妾長自憐幽

閨多怨思盛色無十年相思苦循環枕席生流泉流泉咽不掃獨夢關山道及此

見君歸君歸妾已老物華惡衰賤新寵方妍好掩淚出故房傷心劇秋草自妾爲
君妻君東妾在西羅帷到曉恨玉貌一生嗚自從離別久不覺塵埃厚常嫌玳瑁
孤猶羨鴛鴦偶歲華逐霜霰賤妾何能久寒沼落芙蓉秋風散楊柳以此顛顛顏
空持舊物還餘生欲何寄誰肯相牽攀君恩既斷絕相見何年月悔傾連理杯虛
作同心結女蘿附青松貴欲相依投浮萍失綠水教作若爲流不歎君棄妾自歎
妾緣業憶昔初嫁君小姑纔倚牀今日妾辭君小姑如妾長回頭語小姑莫嫁如
兄夫

按此願况棄婦詞也
後人竄入太白集中

長歌行

相和歌辭郭集錄者十家○按長歌行
音人當努力爲樂無至老大乃傷悲也

桃李得日開榮華照當年東風動百物草木盡欲言枯枝無醜葉涸水吐清泉大
力運天地羲和無停鞭功名不早著竹帛將何宣桃李務青春誰能貫白日富貴
與神仙蹉跎成兩失金石猶銷鑠風霜無久質畏落日月後強歡歌與酒秋霜不
惜人倏忽侵蒲柳

已上樂府

南都行

以下歌吟

南都信佳麗武闕橫西關白水真人居萬商羅鄺闌高樓對紫陌甲第連青山此
地多英豪邈然不可攀陶朱與五穀名播天壤閒麗華秀玉色漢女嬌朱顏清歌
遏流雲豔舞有餘閑遨遊盛宛洛冠蓋隨風還走馬紅陽城呼鷹白河灣誰識臥
龍客長吟愁鬢班

玉真仙人詞

玉真之真一作人時往一作西上一作太華峯清晨鳴天鼓颯颯騰雙龍弄電不輟手行雲
本無蹤幾時入少室王母應相逢

清溪行

宣城一作
宣州青溪

清溪清我心水色異諸水借問新安江見底何如此人行明鏡中鳥度屏風裏向
晚猩猩嘯空悲遠遊子

歷陽壯士勤將軍名思齊歌

並序

歷陽壯士勤將軍神力出於百夫則天太后召見奇之授遊擊將軍賜錦袍玉帶朝野榮之後拜橫南將軍大臣慕義結十友即燕公張說館陶公郭元振為首余壯之遂作詩

太古歷陽郡化為洪川在江山猶鬱盤龍虎祕光彩蓄洩數千載風雲何覆霽特生勤將車神力百夫倍

古意

君為女蘿草妾作兔絲花輕條不自引為逐春風斜百丈託遠松纏絲成一家誰言會面易各在青山崖女蘿發馨香兔絲斷人腸枝枝相糾結葉葉竟飄揚生子不知根因誰共芬芳中巢雙翡翠上宿紫鴛鴦君識二草心海潮亦可量已上歌吟

贈從兄襄陽少府皓一作晤以下投贈

結髮未識事所交盡英雄卻秦不受賞擊晉一作趙寧為功托身白刃裏殺人紅塵中當朝揖高義舉止欽英風小節豈足言退耕春陵東歸來無產業生事如轉蓬

一朝狐一作烏裘敝百鎰黃金空彈劍徒激昂出門悲路窮吾兄青雲士然諾聞諸公所以陳片言片言貴情通棣華儻不接甘與秋草同

贈張公洲革處士

列子居鄭圃不將衆庶分革侯遁南浦常恐楚人聞抱甕灌秋蔬心閑遊天雲每將瓜田叟耕種漢水濱一作濱時登張公洲入獸不亂羣井無桔槔事門絕刺繡文長揖二千石遠辭百里君斯為真隱者吾黨慕清芬

淮海對雪贈傅靄一作淮南對雪贈孟浩然

朔雪落吳潮一作潮天從風渡溟渤海樹一作木成陽春江沙皓明月飄飄四荒外想像千花發瑤草生階墀玉塵散庭闕興從剡溪起思繞梁山發寄君郢中歌曲罷心斷絕一云刻溪與空在郢路歌未歇寄君梁父吟曲盡心斷絕

贈徐安宜

白田見楚老歌詠徐安宜製錦不擇地操刀良在茲清風動百里惠化聞京師浮

人若雲歸耕種滿郊歧川光淨麥隴日色明桑枝訟息但長嘯賓來或解頤青槐
拂戶牖一作碧水流園池遊子滯安邑懷恩未忍辭繫君樹桃李歲晚託深期人浮

猶流人也遊子
太白自謂也

贈任城盧主簿潛中魯

海鳥知天風竄身魯門東臨觴不能飲矯翼思凌空鐘鼓不為樂煙霜誰與同歸
飛未忍去流淚謝鴛鴻海鳥太白
以自喻也

早秋贈裴十七仲堪

遠海動風色吹愁一作秋落天涯南星變大火熱氣餘丹霞光景不可迴六龍轉天
車荆人泣美玉魯叟悲匏瓜功業若夢裏一作中撫一作推琴發長嗟以上十句太
白自詠也裴
生信一作實英邁崛起多才華歷抵海岱豪結交魯朱家一作豪結交列如麻良圖竟未
展意欲飛丹砂破產且救人遺身不為家復攜兩少女一作妾豔色驚荷花雙諤入
青雲但惜白日斜窮一作滄溟出寶貝大澤饒龍蛇明主儻一作必見收煙霄路非賒

知飛萬里道勿使歲寒差一作會歸應鍊丹砂
時命若有

贈范金鄉二首

君子枉清眄不知東走迷離家未幾月絡緯鳴中閨桃李君不言攀花願成蹊那
能吐芳信惠好相招攜我有結綠珍久藏濁水泥時人棄此物乃與燕珉一作石齊
拂拭欲贈之申眉路無梯遼東慙白豕楚客羞山雞徒有獻芹心終流泣玉一作血
啼祇應自索漠留舌示山妻

范宰不買名絃歌對前楹為邦默自化日覺冰壺清百里雞犬靜千廬機杼鳴浮
人少蕩析愛客多逢迎遊子覩嘉政因之聽頌聲前一首自述次首頌范觀枉清
晤相招攜等句似范有書邀太

白東遊也桃李二句謂縱無書信人猶願
攀附而來那能二句言况復有書相招也

贈瑕邱王少府

皎皎鸞鳳姿飄飄神仙氣梅生亦何事來作南昌尉清風佐鳴琴寂寞道為貴一作
貴誰一見過所聞操持難與羣毫揮魯邑訟目送瀛洲雲我隱屠釣下爾當玉石

分無由接高論空此仰清芬

贈丹陽橫山周處士惟長

周子橫山隱開門臨城隅連峯入戶牖勝概凌方壺時枉白紵詞放歌丹陽湖水
色傲溟渤川光秀菰蒲當其得意時心與天壤俱閑雲隨舒卷安識身有無抱石
恥獻玉沈泉笑探珠羽化如可作相攜上清都一作攜手

玉真公主別館苦雨贈衛尉張卿二首長安

愁坐金張館繁陰晝不開空煙送雨色蕭颯望中來翳翳昏墊苦沈沈憂恨催清
秋何以慰白酒盈吾杯吟詠思管樂此人已成灰獨酌聊自勉誰貴經綸才彈劍
謝公子無魚良可哀

苦雨思白日浮雲何由卷稷卨和天人陰陽仍驕蹇秋霖劇倒井昏霧橫絕巘欲
往咫尺塗遂成山川限濼濼奔溜瀉浩浩驚波轉泥沙塞中途牛馬不可辨飢從
漂母食閑綴羽林一作簡曝蟲書於羽陵園家逢秋蔬藜藿不滿眼蠨蛸結思幽

蟋蟀傷徧淺厨竈無青煙刀机生綠蘚投筋解鷓鴣換酒醉北堂丹徒布衣者慷

慨未可量何時黃金盤一斛薦檳榔功成拂衣去搖裔滄洲旁前路備陳苦雨自

奮英雄振奮之概

贈韋祕書子春

谷口鄭子真躬耕在巖石高名動京師天下皆藉藉其人竟不起雲臥從所適苟
無濟世心獨善亦何益惟君家世者偃息逢休明談天信浩蕩說劍紛縱橫謝公
不徒然起來為蒼生祕書何寂寂無乃羈豪英且復歸碧山安能戀金闕舊宅樵
漁地蓬蒿已應沒卻顧女兒峯此女几山在河南府宜陽縣章祕書胡顏見雲月

徒為風塵苦一官已白髮氣同萬里合訪我來瓊都披雲覩青天捫蝨話良圖留

侯將綺季出處未云殊終與安社稷功成立五湖首八句論賢者宜濟世不宜高

宜久於祕書且復八句敘章覽歸山中末八句敘兩人交誼

贈韋侍御黃裳二首

太華生長松亭亭凌霜雪天與百尺高豈為微颺折桃李賣搖豔路人行且迷春
光掃地盡碧葉成黃泥願君學長松慎勿作桃李受屈不改心然後知君子
見君乘驄馬知上太山道此地果摧輪全身以為寶我如豐年玉棄置秋田草但
勗冰壺心無為歎衰老

贈薛校書

我有吳趨曲無人知此音姑蘇成蔓草麋鹿空悲吟未誇觀濤作空鬱釣鼈心舉
手謝東海虛行歸故林

贈何七判官昌浩

有時忽惆悵匡坐至夜分平明空嘯咤思欲解世紛心隨長風去吹散萬里雲羞
作濟南生九十誦古文不然拂劍起沙漠收奇勳老死田陌間何因揚清芬夫子
今管樂英才冠三軍終與同出處豈將沮溺羣五字句中
跌宕乃爾

讀諸葛武侯傳書懷贈長安崔少府叔封昆季

漢道昔云季羣雄方戰爭霸圖各未立割據資豪英赤伏起頽運臥龍得孔明當
其南陽時隴畝躬自耕魚水三顧合風雲四海生武侯立岷蜀壯士吞咸京何人
先見許但有崔州平余亦草閒人一作士頗懷拯物情晚途值子玉華髮同衰榮託
意在經濟結交為弟兄無令管與鮑千載獨知名用崔州平影入少府
賦線痕跡宛爾可尋

贈崔侍御

黃河三尺鯉本在孟津居點額不成龍歸來伴一作凡魚故人東海客一見借吹
噓風濤儻相因更欲凌崑墟何當赤草使再往召相如楊齊賢本無末二句似以
無之為是如有此二句赤

草使必
有誤字

贈參寥子

白鶴飛天書南荆訪高士五雲在峴山果得參寥子骯髒辭故園昂藏入君門天
子分玉帛百官接話言毫墨時灑落探元有奇作著論窮天人千春祕麟閣長揖
不受官拂衣歸林巒余亦去金馬藤蘿同所歡相思在何處桂樹青雲端

贈饒陽張司務璲 燕魏太原

朝飲蒼梧泉夕棲碧海煙寧知鸞鳳意遠託椅桐前慕蘭豈曩古攀嵇是當年愧
非黃石老安識子房賢功業嗟落日容華棄徂川一語已道意三山期著鞭蹉跎
人間世寥落壺中天獨見遊物祖探元窮化先何當共攜手相與排冥 一作筌

贈清漳明府姪

我李百萬葉柯條布中州天開青雲器日為蒼生憂小邑且割雞大刀佇烹牛雷
聲動四境惠與清漳流絃歌詠唐堯脫落隱簪組心和得天真風俗由 一作獨 太古
牛羊散阡陌夜寢不扃戶問此何以然賢人宰吾土舉邑樹桃李垂陰亦流芬河
堤繞綠水桑柘連青雲趙女不冶容提籠晝成羣繰絲鳴機杼百里聲相聞訟息
鳥下階高臥披道帙蒲鞭挂檐枝示恥無撲扶琴清月當戶人寂風入室長嘯無
一言陶然上皇逸白玉壺冰水壺中見底清清光洞毫髮皎潔照羣情趙北美佳
政燕南播高名過客覽行謠因之頌德聲 一作頌聲

贈臨洛縣令皓弟 時被訟停官

陶令去彭澤茫然元古心大音自成曲但奏無弦琴釣水路非遙連鼇意何深終
期龍伯國與余相招尋

鄴中贈王大勸入高鳳石門山幽居

一身竟無託遠與孤蓬征千里失所依復將落葉并中途偶良朋問我將何行欲
獻濟時策此心誰見明君王制六合海塞無交兵壯士伏草間沈憂亂縱橫飄飄
不得意昨發南都城紫鷲櫪上嘶青萍匣中鳴投軀寄天下長嘯尋豪英恥學琅
邪人龍蟠事躬耕富貴吾自取建功及春榮我願執爾手爾當達我情相知同一
己豈唯弟與兄抱子弄白雲琴歌發清聲臨別意難盡各希存令名

贈盧徵君昆弟 盧名鴻字顯然

明主訪賢逸雲泉今已空二盧竟不起萬乘高其風河上喜相得壺中趣每同滄
洲卽此地觀化遊無窮木落海水清鼇背覩方蓬與君弄倒影攜手凌星虹

贈新平一作少年

韓信在淮陰。少年相欺凌。屈體若無骨。壯心有所憑。一遭龍顏君。嘯咤從此興。千金答漂母。萬古共嗟稱。而我竟胡何。一作何為寒苦坐相。仍長風入短袂內。一作兩手如懷冰。故友不相恤。新交寧見矜。摧殘檻中虎。羈縶韉上鷹。何時騰風雲。搏擊申所能。搏擊申所能亦有李廣斬霸陵尉之意。太白千古英豪度量亦殊不廣。

贈崔侍御

長劍一杯酒。男兒方寸心。洛陽因劇孟。託一作訪宿話胸襟。但仰山嶽秀。不知江海深。長安復攜手。再顧重千金。君乃輜軒佐。余叨翰墨林。高風摧秀木。驚彈落虛禽。不取回舟興。而來命駕尋。扶搖應借便。一作力桃李願成陰。笑吐張儀舌。愁為莊鳥吟。誰憐明月夜。腸斷聽秋砧。

贈嵩山焦鍊師並序洛陽

嵩邱有神人焦鍊師者。不知何許婦人也。又云生於齊梁時。其年貌可稱。

五六十常胎息絕。穀居少室廬。遊行若飛倏。忽萬里世或傳。其入東海登蓬萊。竟不能測其往也。余訪道少室。盡登三十六峯。聞風有寄灑翰遙贈。

二室凌一作倚青天。三花含一作明紫一作綠煙。中有蓬海客。宛疑麻姑仙。道在喧莫染。

跡高想已緜。時餐金鵝藥。一作金屢讀青苔篇。八極恣遊憩。九垓長周旋。下瓢酌

潁水。舞鶴來伊川。還歸空山上。獨拂秋霞眠。蘿月挂朝鏡。松風鳴夜絃。潛光隱嵩嶽。鍊魄棲雲幄。霓衣何飄飄。一作歲鳳吹一作羽轉絲。邈願同西王母。下顧東方朔。紫

書儻可傳。冥一作銘骨誓相學。

秋日鍊藥院鑷白髮贈元六兄林宗

木落識歲秋。瓶冰知天寒。桂枝日已綠。拂雪凌雲端。弱齡接光景。矯翼攀鴻鸞。投分三十載。榮枯同所懽。長吁望青雲。鑷白坐相看。秋顏入曉鏡。壯髮凋危冠。窮與鮑生賈。飢從漂母餐。時來極天人。道在豈吟歎。樂毅方適趙。蘇秦初說韓。卷舒固在我。何事空摧殘。

書情贈蔡舍人雄 梁朱

嘗高謝太傅一作曹聞謝安石攜妓東山門。楚舞醉碧雲。吳歌斷青猿。慙因蒼生起談笑。

定黎元。余亦愛此人。丹霄冀飛翻。遭逢聖明主。敢進興亡言。娥眉積讒妬。魚目噉

瓊璠。白璧竟何辜。一作本無瑕青蠅遂成冤。一朝去京國。十載客梁園。猛犬吠九關。殺

人憤精魂。皇穹雪天枉。白日開氛昏。泰階得夔龍。桃李滿中原。倒海索明月。凌山

採芳蓀。愧無橫草功。虛負雨露恩。跡謝雲臺閣。心隨天馬轅。夫子王佐才。而今復

誰論。論疑當倫曾飈振六翮。不日思騰鶩。我縱五湖棹。煙濤恣崩奔。夢釣子陵湍。英

風緬猶存。徒希客星隱。弱植不足援。千里一迴首。萬里一長歌。黃鶴不復來。清風

愁奈何。舟浮瀟湘月。一作江橫羅刹石山倒洞庭波。投汨笑古人。臨濠得天和。閑時田畝

中。搔背牧雞鵝。別離解相訪。應在武陵多。首八句自敘夙有用世之志。遭逢十句敘被讒去國。皇尊十句敘讒謗得雪。再

被恩寵。夫子四句頌蔡將得志乘時。我繼句至末自述邈然高蹈之志。

憶襄陽舊遊贈濟陰馬少府巨

昔為大堤客。曾上山公樓。開窗碧嶂滿。拂鏡滄江流。高冠佩雄劍。長揖韓荆州。此

地別夫子。今來思舊遊。朱顏君未老。白髮我先秋。壯志恐蹉跎。功名若雲浮。一有意

未得言懷賢若沈憂歸心結遠夢。落日懸春愁。空思羊叔子。墮淚峴山頭。一作何時共攜手更醉峴山頭

訪道安陵遇蓋寰為予造真籙臨別留贈

清水見白石。仙人識青童。安陵蓋夫子。十歲與天通。懸河與微言。談論安可窮。能

令二千石。撫背驚神聰。揮毫贈新詩。高價掩山東。至今平原客。感激慕清風。學道

北海仙。傳書藥珠宮。丹田了玉闕。白日思雲空。為我草真籙。天人慙妙工。七元洞

豁落八角輝。星虹三災蕩。璇璣蛟龍翼。微躬舉手謝。天地虛無齊。始終黃金獻。高

堂答荷難。克充下笑世上士。沈魂北羅鄩。昔日萬乘墳。今成一科蓬。贈言若可重

實此輕華嵩。

贈郎中崔宗之 金陵

胡鷹雁一作雁拂海翼。翱翔鳴素秋。驚雲辭沙朔。飄蕩迷河洲。一作胡鷹度日邊。兩龍天地秋。哀鳴沙塞寒。風

河雪迷有一作如飛蓬人去逐一作去萬里遊登高望浮雲。髣髴如舊邱日從海旁沒。
水向天邊流。長嘯倚孤劍。目極心悠悠。歲晏歸去來。富貴安所求。仲尼七十說。歷
聘莫見收。魯連逃千金。珪組豈可一作不足。酬時哉。苟不會。草木為我儔。希君同攜手。
長往南山幽。

贈崔諮議

騷驥本天馬。素非伏櫪駒。長嘶向一作起。清風倏忽凌九區。何言西北至。卻是東南
隅。世道有翻覆。前期一作又作途。難預圖。希君一作又作相。剪拂一作拂。猶可騁中衢。

贈別從甥高五

魚目高太山。不如一瑛璠。賢甥即明月。聲價動天門。能成吾宅相。不減魏陽元。自
顧寡籌略。功名安所存。五木思一擲。如繩繫窮猿。櫪中駿馬空。堂上醉人喧。黃金
久已罄。為報故交恩。聞君隴西行。使我驚心魂。與爾共飄飄。雪天各飛翻。江水流
或卷此心難。具論貧家羞。好客語拙覺。辭繁三朝空。錯莫對飯卻。慙冤自笑我。非

夫。生事多契闊。蓄積萬古憤。向誰得開豁。天地一浮雲。此身乃毫末。忽見無端倪。
太虛可包括。去去何足道。臨歧空復愁。肝膽不楚越。山河亦衾幃。雲龍若相從。明
主會見收。成功解相訪。溪水桃花流。三朝謂歲朝月朝日朝即正月元旦也見漢書谷永傳觀貧家羞好客六句蓋高五至公

贈裴司馬

翡翠黃金縷。繡成歌舞衣。若無雲間月。誰可比光輝。秀色一如此。多為衆女譏。君
恩移昔愛。失寵秋風歸。愁苦不窺鄰。泣上流黃機。天寒素手冷。夜長燭復微。十日
不滿匹。鬢蓬亂若絲。猶是可憐人。容華世中稀。向君發皓齒。顧我莫相違。通首皆用比體

愁苦不窺鄰於人無怨也泣上流黃機反身修德也天寒四句動心忍性也容華世中稀增益其所不能也

敘舊贈江陽宰陸調

太伯讓天下。仲雍揚波濤。清風蕩萬古。跡與星辰高。開吳食東溟。陸氏世英髦。多
君秉古節。嶽立冠人曹。風流少年時。京洛事遊遨。腰間延陵劍。玉帶明珠袍。我昔

鬪雞徒連延五陵豪邀遮相組織呵嚇來煎熬君開萬叢人鞍馬皆闢易告急清
 憲臺脫余北門厄閒宰江陽邑翦棘樹蘭芳一本自陸氏世英髦以下云夫子時
事遊我昔北門厄摧如一枝蒿有虎挾雞徒連延五陵豪邀遮來組織呵嚇相煎
丹霄君披萬人叢脫我如貌牢此恥竟未刷且食綏山桃非天兩文章所祖記風騷
蒼蓬老壯髮長策未逢遭別君幾何時君無相思否鳴琴坐高樓綠水淨窗牖政
成聞雅頌非易理先拱手投刃有餘地迴車攝 城門何肅穆五月飛秋霜好鳥集珍
 木高才列華堂時從府中歸絲管儼成行但苦隔遠道無由共銜觴江北荷花開
 江南楊梅熟正好飲酒時懷賢在心目挂席候海色當風下長川多酤新豐醪滿
 載剡溪船中途不遇人直到爾門前大笑同一醉取樂平生年

贈從孫義興宰銘

亞相李公重之以能政中丞李公免罷以移官

天子思茂宰天枝得英才朗然清秋月獨出映吳臺落筆生綺繡操刀振風雷蠖
 屈雖百里鵬鷺望三台退食無外事琴堂向山開綠水寂以閑白雲有時來河陽
 富奇藻彭澤縱名杯所恨不見之猶如仰昭回元惡昔滔天疲人散幽草驚川無

恬鱗舉邑罕遺老誓雪會稽恥將奔宛陵道亞相素所重投刃應桑林獨坐傷激
 揚神融一開襟絃歌欣再理和樂醉人心蠹政除害馬傾巢有歸禽壺漿候君來
 聚舞共謳吟農夫棄蓑笠蠶女墮纓簪歡笑相拜賀則知惠愛深歷職吾所聞稱
 賢爾為最化洽一邦上名馳三江外峻節冠雲霄通方堪遠大能文變風俗好客
 留軒蓋他日一來遊因之嚴光瀨元惡謂安史之亂疲人即疲民也因避諱而作
人應桑林用莊子庖丁解牛合於桑林之舞事

謂李銘與亞相投契如響斯應也

草創大還贈柳官迪

天地為橐籥周流行太易造化合元符交構騰精魄自然成妙用熟知其指的羅
 絡四季間繇微一無隙日月更出沒雙光豈云隻姤女乘河車黃金充轅軛執樞
 相管轄摧伏傷羽翮朱鳥張炎威白虎守本宅相煎成苦老消鑠凝津液髣髴明
 窗塵死灰同至寂鑄冶入赤色十二周律歷赫然稱大還與道本無隔白日可撫
 弄清都在咫尺北酆落死名南斗上生籍抑予是何者身在方士格才術信縱橫

世途自輕擲吾求仙棄俗君曉損勝益不向金闕遊思為玉皇客鸞車速風電龍
騎無鞭策一舉上九天相攜同所適

贈崔司戶文昆季

雙珠出海底俱是連城珍明月兩特達餘輝照傍人英聲振名都高價動殊鄰豈
伊箕山故特以風期親惟昔不自媒。以下擔簦西入秦攀龍九天上別忝歲星臣
布衣侍丹墀密勿草絲綸才微惠渥重。讒巧生緇磷。一去已十年。今來復盈旬清
霜入曉鬢白露生衣巾。側見綠水亭。謂開門列華茵。千金散義士。四座無凡賓。欲
折月中桂。指持為寒者薪。謂路傍已竊笑天路將何因垂恩儻邱山報德有微身

贈溧陽宋少府陟

李斯未相秦且逐東門兔宋玉事襄王能為高唐賦常聞淶水曲忽此相逢遇掃
灑青天開豁然披雲霧葳蕤紫鸞鳥巢在崑山樹驚風西北吹飛落南溟去早懷
經濟策特受龍顏顧白玉棲青蠅君臣忽行路人生感分義貴欲呈丹素何日清

中原相期廓天步

首四句以李宋二姓引入嘗聞四句喜相見而披豁情懷也戲

蕤四句指宋由京而至江南早懷四句自敘遭讒失志未四句

戲贈鄭溧陽

陶令日日醉不知五柳春素琴本無絃漉酒用葛巾清風北窗下自謂羲皇人何
時到溧。一作里一見平生親

贈僧崖公

昔在朗陵東學禪白眉空大地了鏡徹迴旋寄輪風攬披造化力持為我神通晚
謁太山君親見日沒雲中夜臥山月。一作拂衣逃人羣授余金仙道曠劫未

始聞冥機發天光獨朗謝垢氛虛舟不繫物觀化遊江濱江濱遇同聲道崖乃僧
英說法動海嶽遊方化公卿手秉玉塵尾如登白樓亭微言注百川亶亶信可聽
一風鼓羣有萬籟各自鳴啓開七窗牖託宿掣雷霆自云歷天台搏壁攝翠屏淩
兢石橋去恍惚入青冥昔往今來歸絕景無不經何日更攜手乘杯向蓬瀛

遊溧陽北湖亭望瓦屋山懷古贈同旅 一作孟浩然贈

朝登北湖亭遙望瓦屋山天清白露下始覺 一作秋風還遊子託主人仰觀眉睫

間日 一作色送飛鴻 邈然不可攀長吁相勸勉何事來吳關聞有貞義女振窮溧

水灣清光了在眼白日如披顏高墳六七墩萃兀棲猛虎遺跡翳九泉芳名動千

古子胥昔乞食此女傾壺漿運開展宿憤入楚鞭平王凜冽天地間聞名若懷霜

壯夫或未達十步九太行與君拂衣去萬里同翱翔

贈秋浦柳少府

秋浦舊蕭索公庭人吏稀因君樹桃李此地忽芳菲搖筆望白雲開簾當翠微時
來引山月縱酒酣清輝而我愛夫子淹留未忍歸

宿清溪主人

夜到清溪宿主人碧巖裏檐楹挂星斗枕席響風水月落西山時啾啾夜猿起

贈王判官時余歸隱居廬山屏風疊 尋陽

昔別黃鶴樓蹉跎淮海秋俱飄零落葉各散洞庭流中年不相見蹭蹬遊吳越何
處我思君天台綠蘿月會稽風月好卻遠剡溪迴雲山海上出人物鏡中來一度
浙江北十年醉楚臺荆門倒屈宋梁苑傾鄒枚苦笑我誇誕知音安在哉大盜割
鴻溝如風掃秋葉吾非濟代人且隱屏風疊中夜天中望憶君思見君明朝拂衣
去永與海鷗羣

在水軍宴贈幕府諸侍御 永王軍中

月化五白 一作龍翻飛 凌九天湖沙驚北海電掃洛陽川虜箭雨宮闕皇輿成播

遷英王受廟略 英王璘也 秉鉞清南邊雲旗卷海雪金戟羅江煙聚散百萬人弛

張在一賢霜臺降羣彥水國奉戎旃繡服開宴語天人借樓船如登黃金臺遙謁

紫霞仙卷身編蓬下冥機四十年寧知草間人腰下有龍泉浮雲在一決誓欲清

幽燕願與四座公靜談金匱篇齊心戴朝恩不惜微軀捐所冀旄頭滅功成追魯

連

贈武十七諤並序

門人武諤深於義一作詩者也質木沈悍慕要離之風潛釣川海不數數於
世間事聞中原作難西來訪余余愛子伯禽在魯許將冒胡兵以致之酒
酣感激援筆而贈

馬如一匹練明日過吳門乃是要離客西來欲報恩笑開燕匕首拂拭竟無言狄
犬吠清洛天津成塞垣愛子隔東魯空悲斷腸後林回棄白璧千里阻同奔君為
我致之輕齎涉淮源精誠合天道不愧遠遊魂一作鄧攸魂

贈張相鎬二首

時逃難病在寂松山作後一首亦作書懷重寄張相公

神器難竊弄天狼窺紫宸六龍遷一作駕

白日四海

一作九洛

暗胡塵吳穹降元宰君子

方經綸澹然養浩氣歛起持天鈞秀骨象山嶽英謀合鬼神佐漢解鴻門興唐一作

成功思退身

一作生唐為後身

擁旄秉金鉞伐鼓乘朱輪虎將如雷霆

一作電

總戎向東巡諸

侯拜馬首猛士騎鯨鱗澤被魚鳥悅令行草木春聖智一作逢聖不失時建功及良辰

醜虜安足紀可貽幟與巾倒瀉溟海珠蓋為入幕珍馮異獻赤伏鄧生歛來臻庶

同昆陽舉再覩漢儀新昔為管將鮑中奔吳隔秦一生欲報主百代期榮親其事

竟不就哀哉難重陳臥病古松滋蒼山空四鄰風雲激壯志枯槁驚常倫聞君自

天來目張氣益振亞夫得劇孟敵一作七

國空

一作定

無人捫蝨對桓公願得論悲辛

大塊方噫氣何辭鼓青蘋斯言儻不合歸老漢江濱

昔為管將鮑以下皆自述也

本家一作本家隴西人先為漢邊將自敘家世功略蓋天地名飛青雲上苦戰竟不侯

當年頗惆悵世傳崆峒勇氣激金風壯英烈遺厥孫百代神猶王十五觀奇書作

賦凌相如龍顏惠殊寵麟閣憑天居

一作侍從承明廬

晚途未云已蹭蹬遭讒毀想像晉

末時崩騰胡塵起衣冠陷鋒鏑戎虜盈朝市

一作荆棘生朝市

石勒窺神州劉聰劫天子

撫劍夜吟嘯雄心日千里誓欲斬鯨鯢澄清洛陽水六合

一作三台灑霖雨萬物六合

無凋枯我揮一杯水自笑何區區因人恥成事貴欲決良圖滅虜不言功飄然陟

一作向

蓬壺唯有安期鳥留之滄海隅

想像六句借晉事以喻明皇幸蜀

贈閻邱宿松

阮籍爲太守乘驢上東平剖竹十日間一朝風化清偶來拂衣去誰測主人情夫
子理宿松浮雲知古城掃地物莽然秋來百草生飛鳥還舊巢遷人返躬耕何慚
宓子賤不減陶淵明吾知千載後卻掩二賢名

獄中上崔相渙

尋陽

胡馬渡洛水血流征戰場千門閉秋景萬姓危朝霜賢相變元氣再欣海縣康台
庭有夔龍列宿粲成行羽翼三元聖發輝兩太陽應念覆盆下雪泣拜天光

太白坐永

王璘事繫尋陽獄宣撫大使崔渙與御史中乘宋若愚驗治以爲罪薄宜賞

繫尋陽上崔相渙二首

此題又有一首虛傳一片雨云云非上崔相之詩今不抄

邯鄲四十萬同日陷長平能迴造化筆或冀一人生

毛遂不墮井曾參寧

一作不

殺人虛言誤公子投杼惑慈親白璧雙明月方知一玉

真

毛遂曾參皆有兩人同名事見西京雜記太白引此以自比其遭讒之枉

贈劉都使

東平劉公幹南國秀餘芳一鳴卽朱紱五十佩銀章飲冰事戎幕衣錦華水鄉銅
官幾萬人諍訟清玉堂吐言貴珠玉落筆迴風霜而我謝明主銜哀投夜郎歸家
酒債多門客粲成行高談滿四座一日傾千觴所求竟無緒裘馬欲摧藏主人若

不顧明發釣滄浪

此向劉都使借貸之詩下語極有斟酌

贈常侍御

安石在東山無心濟天下一起振橫流功成復蕭灑大賢有舒卷季葉輕風雅匡
復屬何人君爲知音者傳聞武安將氣振長平瓦燕趙期洗清周秦保宗社登朝
若有言爲訪南遷賈

周秦謂東京西京時尙未收復也

贈易秀才

少年解長劍投贈卽分離何不斷犀象精光暗往時蹉跎君自惜竄逐我因誰地
遠虞翻老秋深宋玉悲空摧芳桂色不屈古松姿感激平生意勞歌寄此辭

經亂離後天恩流夜郎憶舊遊書懷贈江夏太守良宰

江夏岳陽

天上白玉京十二樓五城仙人撫我頂結髮受長生誤逐世間樂頗窮理亂情九

十六聖君浮雲挂空名天地賭一擲未能忘戰爭試涉霸王略將期軒冕榮時命

乃大謬棄之海上行學劍翻自哂為文竟何成劍非萬人敵文竊四海聲兒戲不

足道五噫出西京臨當欲去時慷慨淚沾纓歎君倜儻才標舉冠羣英開筵引祖

帳慰此遠徂征鞍馬若浮雲送余驃騎亭歌鍾不盡意白日落昆明

已上自敘少時以謫仙之

才講匡時之略曾承十月到幽州戈鋌若羅星君王棄北海掃地借長鯨呼吸走

百川燕然可摧傾心知不得意

一作語

卻欲棲蓬瀛彎弧懼天狼挾矢不敢張攬涕

黃金臺呼天哭昭王無人貴駿骨綠耳空騰驥樂毅儻再生于今亦奔亡蹉跎

一作

著不得意驅馬過貴鄉逢君聽絃歌肅穆坐華堂百里獨太古陶然臥羲皇徵樂

昌樂館開筵列壺觴賢豪問青娥對燭儼成行醉舞紛綺席清歌繞飛梁歡娛未

終朝秩滿解印歸咸陽祖道擁萬人供帳遙相望一別隔千里榮枯異炎涼

已上自敘

薄遊燕齊知祿山之必反而未敢言又與炎涼幾度改九土中橫潰漢甲連胡

兵沙塵暗雲海草木搖殺氣星辰無光彩白骨成邱山蒼生竟何罪函關壯帝居

國命懸哥舒長戟三十萬開門納兇渠公卿如犬羊忠讜醢與菹二聖出遊豫兩

京遂邱墟

已上敘安史之亂

帝子許專征秉旄控強楚節制非桓文軍師擁熊虎人心失

去就賊勢騰風雨惟君固房陵誠節冠終古僕臥香鑪頂餐霞漱瑤泉門開九江

轉枕下五湖連半夜水軍來尋陽滿旌旄空名適自誤迫脅上樓船徒賜五百金

棄之若浮煙辭官不受賞翻謫夜郎天夜郎萬里道西上令人老掃蕩六合清仍

為負霜草日月無偏照何由訴蒼昊

已上敘永王璘東巡已迫脅賜金而獲罪

良牧稱神明深仁恤

交道一忝青雲客三登黃鶴樓顧慚彌處士虛對鸚鵡洲樊山霸氣盡寥落天地

秋

一作形穠冠白筆爽氣凌清秋

江帶蛾眉雪橫穿三峽流萬舸此中來連帆過揚州送此萬里

日曠然散我

一作煩

愁紗窗倚天開水樹綠如髮

一作水綠樹如髮

窺日光

一作畏

銜山促酒

喜見月吳娃與越豔窈窕誇鉛紅呼來上雲梯含笑出簾櫳對客小垂手羅衣舞

春風賓跪請休息。主人情未極。覽君荆山作。江鮑堪動色。清水出芙蓉。天然去雕

飾。已上敘至江夏後章太守顧逸興橫素襟。無時不招尋。朱門一作旌擁虎士。列戟

何森森。翦鬢竹石開。縈流漲清深。登樓一作臺坐一作入水閣。吐論多英奇。一作音片辭

貴白璧。一諾輕黃金。謂我不媿君。青鳥一作鸞明丹心。五夜雲間鵲。飛鳴天上來。傳

聞赦書至。卻放夜郎回。暖氣變寒谷。炎煙生死灰。君登鳳池去。勿棄賈生才。桀犬

尚吠堯。匈奴笑千秋。中夜四五歎。常為大國憂。旌旆夾兩山。黃河當中流。連雞不

得進。飲馬空夷猶。安得羿善射。一箭落旄頭。已上敘與章綢繆日久得聞赦書仍思見用於世破賊立功

江夏使君叔席上贈史郎中

鳳凰丹禁裏。銜出紫泥書。昔放三湘去。今還萬死餘。仙郎久為別。客舍問何如。涸
轍思流水。浮雲失舊居。多漸華省貴。不以逐臣疏。復如竹林下。而陪芳宴初。希君
生羽翼。一化北溟魚。

流夜郎半道承恩放還兼欣剋復之美書懷示息秀才

黃口為人羅。白龍乃魚服。得罪豈怨天。以愚陷網目。鯨鯢未翦滅。豺狼屢翻覆。悲
作楚地囚。何由秦庭哭。遭逢二明主。前後兩遷逐。去國愁夜郎。投身竄荒谷。半道
雲屯蒙。曠如鳥出籠。遙欣剋復美。光武安可同。天子巡劍閣。儲皇守扶風。揚袂正
北辰。開襟攬羣雄。胡兵出月窟。雷破關之東。左掃因右拂。旋收洛陽宮。迴輿入咸
京。席卷六合通。叱咤開帝業。一作字手成天地功。大駕還長安。兩日忽再中。一朝讓
寶位。劍璽傳無窮。媿無秋毫力。誰念矍鑠翁。弋者何所慕。高飛仰冥鴻。棄劍學丹
砂。臨鑪雙玉童。寄言息夫子。歲晚陟方蓬。

